

MULIMU YA LUWILE SISHEMO

 Mwakona ku ina. Ne nili...kamba ne ni sali kwahule, inze ni sa taha nabona Muzwale Moore ni babañwi kaufela kwanu kwa katala, balikani bo se Ni zibile ka lilimo zeñata hahulu. Ki litohonolo luli ka ku ba bona mwahali mo busihu cwana. Ni ikutwa kuba yomunyinyani hahulu ka kuyema fa ni kuambola kwa mulaho waka inge kuinzi baika ba lituto za bulapeli, mi mwendi baka ni sikulula ha Ni fosa. Na sepa cwalo.

² Lu tabile hahulu busihu bo fa kuba ni mutu yomuñwi moo, Kezeli Rose. Ne lu sweli kutaha...Ne nili ni Muzwale Shores ni mutusi wa hae, kacenu, kwa sico sa musihali. Mi mwa nzila cwalo, Muzwale Williams abulela kuli Kezeli Rose na kulile hahulu. Mi lwa kena mwahali ku yo mu bona fa nako nyana, na kubamafafasi. Mi nana ni fibebe yesabisa, mi na kulile maswe maswe. Manzwi nyana fela a tapelo, mi Mulena abulela ku luna, mi ali, "U ka foliswa." Ali, "Ùkaba teni kamuso busihu," ba bulela. Mi ki yo mo busihu cwana, uinzi mo. Yeo ki niti.

³ Kezeli Rose, yema fa muzuzu fela, ili kuli ba...Lu itumezi hahulu ku Mulena. Na li fela fa mumbeta. Ki hali, "Ki—ki diabulosi yana ni natile fela mwa lika kaufela. Na taha kwanu mi nenina ni kozi ya se," mufuta wa butuku bwa fa mumizo cwalo, ni zeñwi cwalo. Kono Mulena u mu hauhezi, kacwalo ku zeo lu tabile. Lu itumela ku Mulena yomunde!

⁴ Cwale lubile ni linako zende. Mi kamuso busihu, cwale, lu ya kwa—kwa Ramada. Mi musike mwa libala cwale, haina kuba moo kamuso busihu, ikaba kwa Ramada. Mi mukopano wa kalisa busihu bobutatama. Ni ka tokwa kubeya kwateni busihu bulibuñwi hape, mwa ziba.

⁵ Kacwalo maabani busihu Ne—Ne ni ile fahule hahulu, Ne ni i pile sepiso na luli kuli, kwa makalelo a silimo, kuli Ni ka pumakela fela Mañusa ani kufita kuli abe amalalu kamba amane, lihola zeketalizoho, kuli mwendi ibe mizuzu ye mashumi amalalu kamba mashumi amane. Mi sina hane Ni mi bulelezi maabani busihu, musala ka na ambozi zaka la Sunda, ali, "U ezize hande luli." Kacwalo—kacwalo he, eeni sha, Ne ni tile maabani busihu ku to i sinya, mwabona. Kono Ne nili ka mizuzu ye mashumi aketalizoho-ka aketalizoho, kufita kuba mashumi amalalu, maabani busihu.

⁶ Kutaha cwalo, busihu boo, Billy naize, "Ki sikamañi se muka ambola fateni?"

⁷ Se nili, "Kihande, Ni nani litaba nyana ze ñozwi kulo faa, ni Mañolo amañwi. Ha ni zibi, zeñwi za zona, ki Mañusa amane kamba a ketalizoho a zona." Se nili, "Ni ikutwanga kuli ha Ni fita kafani, ni kubona se si ezahala."

⁸ Ali, “Ne mu sejisize ku lapelela batu bani kaufela ba bakula.”

Se nili, “Eeni, sha. Muna ni makadi amakai?”

Ali, “Mianda yemibeli.”

Se nili, “Ki hande ni kalele ona pili, busihu boo.”

⁹ Mi ki hali, “Cwale muhupule, mubanga fela ni mizuzu ye lishumi ka yeketalizoho ya kubulela.” Ali, “No ngile yenesiyezi kaufela maabani busihu.” [Muzwale Branham ni kopano baseha—Mu.] Lu ka akufa luli, nji Cwani?

¹⁰ Kihande, lu file sejisize ku mina, kuli lu ka lapelela sicaba sani se sina ni makadi a litapelo, mi luna ni—luna ni tukelo kwa sejisize yeo, eeni sha. Halukoni kubatisa kaufela bona mwa mikoloko yee, mane ha Ni koni kubiza mañi ni mañi, mwahala sicaba. Nihaike nge kuli Moya o Kenile no ka ni fa zona, Ha—Ha ni koni fela kuli yemela. Ki zeñata fela hahulu kuna. Mi, kono kaufela luna lwa ziba hande litaba zeo. Lu ziba kuli Mulimu u sa li Mulimu. Ha ki seo se si folisa. Ki sani fela se si yaha tumelo kihona, ku lu lumeleza kuziba kuli—kuli lu Fapila a Hae.

¹¹ Mi lwa ya busihu boo, ku yo lapelela batu bani kaufela ba bakula, mañi ni mañi kaufela yana ni makadi a litapelo ao, a ku lapelelwa. Mi kipeto kamuso busihu, ikaba kwa Ramada, luka lika kufa amañwi amañata ni kukala ku ba lapelela, kakuli Ni sa na ni kamuso busihu. Mi Ni nahana kuli Ni nani busihu bulibuñwi bwa mukopano, mwendi ki mukushuko cwalo. Ku itingile lika mo li tahela.

¹² Kuna ni babañwi, alimuñwi wa babuleli yana si ka bonahala; hasika bonahala kale, Ha ni sepi. Muzwale Humburg, kamba ku cwalo... [Muzwale ubulela kuli, “Amburgy”—Mu.] Amburgy, Amburgy, Kash Amburgy. Kacwalo Ni—Ni li bulela ka mafosisa, leo ki libizo la si German. Ni—Ni sepa kuli ki si German. Kacwalo Na kona kuba ni mufuta wa kuconkomona fela, mo lukona kulibizeza, mu ni swalele ka mubulelelo woo, ka yena.

¹³ Kacwalo lubile ni nako yende ku Mulena, nihakuli cwalo. Ku mina kaufela, haiba kuna ni baenyi babañwi mo busihu cwana, lutabile hahulu kuba ni mina mwahali mo, mi ni sepa kuli Mulena uka mi fuyauna. Ni lapela kuli hakuna kuba sicaba sesi kula mwa tuyaho mo haluka zwa busihu boo, kuli Mulena luna uka taha mwa mata a Hae amatuna mi uka folisa kaufela baba kula ni baba ziyelehile.

¹⁴ Kwanu nako yeñwi kwa mulaho, Ne ni banga ni batu fa litaba za lipuzo ni likalabo, litaba zeñwi zetata ze ne lu sa koni kufeza. Mi ki ha iyahiwa kapili hahulu, kufitela liba fakuli, Mulena unza i fuyola, kufitela luba ni zetalu kamba mianda yemine ze libelezi, mi kacwalo he sicaba sa filikana mwa maikuto kakuli ba bata kulibelela. Mwendi, ka yona anko yeo, mu lukela kulibelela mwendi mwaha kamba yemibeli, kuli lufite ku yona, mwabona,

mwahala mikopano feela, kuba beya mwa lipuzo ni likalabo. Mi lu ka be luinzi ni kulibelela ku Mulena luna kufitela A lu bulelela fela taba yateni ka swanelo.

¹⁵ Hakuna ku kakanya kuli kuna ni sicaba sesiliteni busihu boo bababile mwa lipuzo ni likalabo. Kana bateni? Ha lu boneñi munanule mazoho a mina. Fa lipuzo ni likalabo zeipitezi. Eeni, kibani bainzi, kacwalo, mi baziba kuli ki niti. Lu libeleta fela kubona seo Mulena uka bulela, taba yeo... Mi cwale Ne nina ni kutuhela kwanu nako yeñwi yefitile. Na buleleta Billy kuli nelusike kukona kuba ni lipuzo zeñwi kwa mukunda hape.

¹⁶ Mwabona, Ni—Ni—Ni fitelezi fela mashumi amabeli ka-aketalizoho, ni kupahama kuya mwa nako ya bulalu. Mi kuli hamunze myua muhula kusupala, kiñi, ha mu sana, mina... fokuñwi hamusa kona ku itwaeza sina sapili. Mihato ya mina ya kusufala. Mi—mi, eeni sha, Muzwale Moore hakuna za ziba ka zeo pili. Mi... Ni sepa kuli lwa kona kuba mwa lilimo zeswana.

¹⁷ Kono zeñata luli liezahali haisamba lukalisa wena ni Na, ni Muzwale Brown hataha kwanu nako yapili, ni Muzwale Outlaw ni Muzwale Garcia, ni Muzwale Fuller. Ha ni zibi haiba baana bani bateni mo busihu boo? Muzwale Garcia, Muzwale Fuller, Muzwale Outlaw, kana bateni mo njí? Amunanule mazoho amina haiba mwakona. Eeni, ki yani fani Muzwale Fuller, Na lumela, haiba ha Ni si ka lyangana. Muzwale Outlaw yainzi faa. Muzwale Garcia, Na—Na lumela ni ha na zwile kwa Phoenix. Ni sepa kuli ki cona. U—u zwile mwa Phoenix, mi uinzi mwa California. Kihande, neli mazazi amande luli, mi Ni sa lumela Liñusa lene Ni nani linako zani, “Jesu Kreste wa swana maabani, kacenu, ni kuyakuile.” Na sepa zeo liswana ni... Kihande, Becky nali mbututu. Zeo seli lilimo ze naintini.

¹⁸ Mi cwale seli yomuhulu, sa hulile, ununile, musizana yana ni pata yemaswe yainezi kwande kokuñwi, myaha ye naintini ya kupepwia. U inezi kai, Becky? Mushimani, uka ni nyemela ka zeo. Na hupula hane ni sa mu nanulanga mwa mazoho. Kihande ni be ni musebezi wa kueza busihu boo.

¹⁹ Muhupule kwani kwa keleke ya Muzwale Garcia busihu bulibuñwi, nali fela mwanana kihona. Mi se Nili, “Luna ni mukopano wa linaha za kwande busihu boo.” Se nili, “Ni ambola kwa ma Spanish.” Mi se Nili, “Musala ka fa ki mu German.” Se nili, “Na ni muuna wamu Irish.” Mi se Nili, “Ni musizana waka yomunyinyani ki mu Indian,” mi yani neli Becky.

²⁰ Kacwalo ha ne Ni zwela kwa sikwalo sa kwa mulaho, nekuna ni musizana nyana wa mu Mexican kwani, yanali, “Muzwale Branham!”

Nali, “Eeni, mulatiwa, u bata sikamañi?”

Nali, “Ha u nahani kuli mbututu wa hao ubonahala kufela mali, ka kuba mu Indian?” Ki yo mufubelu, mwa ziba.

Mi se Nili, “Ki kezo fela ya mu Indian.”

²¹ Kihande, lu itumezi hahulu, kuli, ka kuba mo busihu cwana. Cwale lusika atumela kale Linzwi, ha lu atumeleñi Yena kakuli ki Yena Linzwi. Mi Linzwi ha li bonahalile, kipeto Yoo ki yena ku mina.

²² Sina mo ne lubezi maabani manzibwana fa *Peu Ye Lyanganisa*, kana ne mu itumezi ka yona, ki mbuyoti ya Mulena nji? [Kopano ili, “Amen.”—Mu.] Na—Na luli ne ni itumezi ka kutisa Liñusa lani ku mina. Mi lwa bona seo lipeu lili zona.

²³ Cwale kana kuna ni kupo yeipitezi busihu boo, nto yeñwi fela ya butokwa? Mwendi babañwi ba mina ba bakaba mwa mukoloko wa tapelo woo, luli, “Mulimu, abe ni makeke. Ha Ni taha kwa kulapelelwa, lumeleza tumelo yaka ihule kuli ifite fa buino.” Mi—mi mwendi yomuñwi una ni mulatiwa, ya kula, ni nto yeñwi. Ha ku nanule fela lizoho la hao kuli Mulimu atalime felafafasi ni kubulela kuli... Cwale haiba seo... Ha mu zibi kuli seo si ni utwisa cwani hanitalima foo. Kutalimela fela fa butokwi bobuli moo! Mizwale ba bakutazi, mutualime fela ku seo. Mwabona? Cwale, haiba li ni eza kuikutwa cwalo, sieza cwani ku Ndata luna? Kiniti.

Cwale halu lapeleñi.

²⁴ Jesu Yomunde, lu atumela cwale Lubona lolutuna lwa sishemo, ka lona Libizo lelituna lee. “Kakuli hakuna Libizo lisili le lifilwe mwahala batu le luna ni kupiliswa ka lona, kono kwanda Libizo fela la Mulena Jesu.” Mi lutatha ka Libizo la Hae. Mi lwa lapela, Ndate wa Lihalimu, kuli U lu amuhele, busihu boo, sina bana ba Hao ba balumela. Mi u swalele ku sa lumela kwaluna, Mulena. Tusa busihu boo, kuli kube kuli lu lumele ka kufelelela Linzwi la Mulimu kaufela busihu boo, kwa lika kaufela ze lutokwa.

²⁵ Wa ziba sesili mwataso mazoho a nanuhile ani; kuna ni matuku, zeñwi za zona ki matata a mwa lapa, amañwi ki matata a masheleñi, babañwi ba bona ba katezi, mwendi babañwi bawile mwa tumelo, babañwi ki baezalibi. Seo kupo kaufela ili yona, Wena ufita sila sifi kaufela. Kacwalo lwa lapela, Mulena, kuli—kuli busihu boo, kuli lu lemuhe kuli lila za luna, sifi ni sifi, si komilwe, kuisa lifu la sona. Ni kuli lu fitelela bakomi ku Yena Yoo—Yoo ya lulata mi Aipile ka luna, ni ku lutapisa mwa Mali a Hae.

²⁶ Lwa lapela, Mulena, kuli ku sa lumela kaufela, ku kakanya kaufela, kufilikana kaufela, kaufela ze sa swani ni Mulimu, lizwe ku luna busihu boo, kuli Moya o Kenile ukone kuba ni tukelo ya nzila mwa lipilu za luna. Yena cwale Ha bulele kuluna mwa linzila zeipitezi. Mi Ha bulele kuluna mwa Mata a Hae. Yena Ha zuse bona—bona baba shwile ka moyo, akutiseze buiketo ku ba bakula ni baba ziyelehile, nanula mañwele a fokola, mazoho a katezi a nyendaela. Mi hakube nako ya kunyakalala.

²⁷ Ha li pazule ona busihu boo, Mulena, kuzwa mwa sibaka se kuya kwa Ramada Inn, ni kukala iliñwi ya mikopano yemituna hahulu yekile yabateni mwa muleneñi. Mulena, ha lu kopani mo hamoho ni kułapela! No ize, “Haiba sicaba se si biziswa Libizo la Ka, habaka kopana hamoho ni kulapela, Ni ka utwa nili mwa Lihalimu.” Mulimu, lu lapela kuli se sibe cwalo, busihu boo.

²⁸ Cwale, Ndate, halunze lubala Linzwi, hakuna mutu yakona ku Li toloka kwanda Hao, Wena u mutoloki wa Hao Kasibili, mi lu lapela kuli U lu tolokele lika ze lubala busihu boo. Kakuli lwa li kupa ka Libizo la Jesu. Amen.

²⁹ Cwale haiba buñata bwa mina mutabela kuñola Mañolo nyana ao mukutazi abala. Mi Ni tabela kuli mina, busihu boo, haiba mukona, mu apule mwa Maefese.

³⁰ Mi Ne ni sweli kuambola Sunda yefelile ka za Maefese, kuli mane Buka ya Joshua kona Maefese ba Testamente ya Kale, mane ni mo neibezi Buka ya puluso.

³¹ Mi puluso ina ni likalulo zepeli zeshutana: “kuzwa mwa sika” ni “kukena mokuñwi.” Pili, muna ni kuzwa kulo. Batu babañwi babata kutaha ni lifasi ni bona; kono u lukela kuzwa mwa lifasi, ni kukena ku Kreste. Una ni kuzwa mwa ku sa lumela, kuli ukene mwa tumelo. Haku koni kuba sika mwa nzila ya hao. Fa kuli ube ni tumelo ya niti, luli u lukela kusiya lika kaufela ze shutana kwa Linzwi la Mulimu, kwa mulaho, kuli ukene mwa tumelo.

³² Mi yani neli Buka ya Maefese ba Testamente ya Kale, Joshua. Koo, Mushe na yemela mulao, ne u sa koni kupilisa mutu; kono sishemo ki sona, mi fa Joshua ki linzwi leliswa sina Jesu, “Jehova-mupulusi.”

³³ Mi cwale he, lu fumana cwana kuli lutile kwa Maefese babañwi, Efese yeñwi cwale. Kuli, mane, mwa likopano za luna za ngana ya butu ni zeñwi cwalo, ni litukiso za luna kaufela za lituto litile kwa—kwa Jordani, konakuli luswanelia kuba ni—ni Maefese hape. Lu swanelia kuba ni mututo, ku “zwa mwasika” ni ku “kena mokuñwi,” kuya mwa Kuungelwa.

³⁴ Cwale lu ka bala busihu boo mwa kauhanyo ya 2 ya Maefese. Ne ni sweli fela kubulela cwalo kuli mufite fa—fa sibaka, kamba kuapula mwa kauhanyo.

Mina, mi u zusize ni mina, ba ne mu shwile mwa milatu ni mwa libi:

Ili ze ne myua ka zona mwa linako za kale ka mukwa wa lifasi le, ka mukwa wa mulena muña mata ainzi mwa sibaka sa mbyumbiyulu, ili moyo o nzo sebeza mwa bana ba ba ikanyisa:

Ni luna kaufela ne lu li ba ku bona pili, lunze lu ya ka litakazo za nama ya luna, lu eza sesi latwa ki nama ni

ki maikuto a luna; mi ka kupepwa kwa luna neluli bana ba buhali, sina ba bañwi.

Kono Mulimu, kaha ki ya luwile sishemo, kabakala lilato lelituna la lulatile ka lona,

Hane lu sa shwile ka lifoso za luna, U lu pilisize hamoho ni Yena, kamba, ulu pilisize hamoho ni Kreste, (ka sishemo mu pilisizwe;)

³⁵ Ni bata kuzwisa foo zelikani, kamba siemba sa timana yeli, “kono Mulimu,” *Mulimu Ya Luwile Sishemo*.

³⁶ Ni bata kuli mulemuhe fa mupolofita, muapositola, nitaluse, Paulusi, yana—yana, mwa na bulelezi taba ye, kuli, “Mina U mi file bupilo bane mu shwile. Mina U mi file bupilo, bane mu shwile sapili, kushwela mwa sibi ni milatu; ne mu zamaya ka lika za lifasi, ili takazo ya nama, ni kutalezea takazo ya ngana. U mi...”

³⁷ Ki sikamañi sene si tisize cincheho ye, mwa bona? Mi kinto mañi yetisize cwalo, “kuzwa kwa nako yeñwi ya kushwa,” kutaha kwa kupila? *Kupila* kutalusa “kutiswa kwa bupilo.” Nekuna ni cincheho, kuzwa kwa lifu kutaha kwa Bupilo. Hakuna nto yeñwi hape, hakuna sika sisili hape sesikona kuezahala ku mutu kaufela, kinto yetuna luli, se ne si ka mu cinca kuzwa kwa lifu kutaha kwa Bupilo. Mutu, haiba nali bukaufi ni kushwa, kwa nama, mi na ka foliswa kwa nama, yeo neikaba nto yetuna, kono hakuna nto yetuna hahulu inge ha na ka shwa kwa moyo mi kipeto Mulimu amutise kwa Bupilo.

³⁸ “Mina nako yeñwi, mwa linako za kale, ne mushwile.” Ne mu shwile. Neba babañata mo busihu cwana, nako yeñwi, bakona kutalima kwa mulaho ni kuziba kuli ne mu shwile. Kono cwale kiñi ha mu si ka shwa busihu boo, sina mo ne mushwezi nako yani? Mu swanela kuba ka nzila yeo, kakuli nemuli baezalibi, “kono Mulimu Ya luwile sishemo.” Yeo ki—yeo ki yona taba, “Mulimu Yana fumile.” Lika ze kaufela ze ne luli zona, “kono Mulimu”! Zeo zatoeza cincheho ona fani, “Mulimu Ya luwile sishemo”!

³⁹ Oh, Ni tabile hahulu ka seo, kuli Yena u fumile sishemo. Haiba Nali fela ya fumile mwa masheleñi, haiba Na fumile fela mwa libyana, ili za Nani mane, kono niteñi nto yetuna hahulu ki kuba ya luwile mwa sishemo. Oh, ha ki linzwi kwa butuna ni leo, kuli mane nako yeñwi ne lu shwile.

⁴⁰ Mi ne luambola busihu bobuñwi ka mo peu ilukela kushwela. Mi lika kaufela ze beile kokwani yani mwahali ha li lukeli fela kushwa, kono kubola. Haiba ha i boli, haikoni kupila. Mi *kubola* ki, “kufelelela luli; ku felile.” Mi kufitela lufita fa sibaka sa kuli minahano yaluna ni mihupulo i felelezi mi ibolile ku luna, mi kokwani ya bupilo yakona kukala kupila.

⁴¹ Cwale—cwale lwa kona, Na kona kubeya mwateñi nto yenyinyani ya tuto fa, kuli Hanina ku...Haiba ha mu lumeli cwalo, ku lukile. Zeo kaufela li lukile. Na lumela cwalo. Ni lumela kuli—kuli muuna, ha pepwa mwa lifasi, kuli ha u li mbututu yomunyinyani, ya pepwa mwa lifasi, nemusike mwaba mo kusina kuba mwa munahano wa Mulimu, kakuli Yena hafeli mi U ziba linto kamukana. Mi cwale mbututu yani ha pepwa mwa lifasi, kuna ni sesiñwi ku yena mbututu yani. Haiba u ka to ba ni Bupilo, kuna ni nto yeñwi yenyinyani mwahali mwani, ku yena mwana yani kanti, ha taha kuyona, cwanoñu nyana kamba kasamulaho. Peu nyana yani i ku yena. Cwale haiba mukanga... Mañolo abulela patala za ku zeo.

⁴² Cwale haiba una ni Bupilo Bobusafeli busihu boo, haiba luna ni Bupilo Bobusafeli, kona kuli kanti neluli cwalo kamita, kakuli kuna ni fela mufuta ulimuñwi wa Bupilo Bobusafeli. Neluli teni kamita. Mi libaka lene lubezi teñi, kakuli lu siemba sa Mulimu. Mi Mulimu ki yena nto inosi fela yeli ya Kuyakuile.

⁴³ Mi sina Melekisedeke a amuhela zabulishumi ku Abrahama, mi za balelwa ku muikulu-wa muikulu, Levi, yana sa li mwa liteka za Abrahama; alifa zabulishumi, kakuli na sa li mwa liteka za Abrahama nako ya katana Melekisedeke. Ni bata kuambola ku seo kwa sibaka sesiñwi, kakusasana omuñwi. *Ki Mañi Melekisedeke Yoo?* Cwale amu lemuhe seo. Kwa mulaho koo, Mulimu na zibile mushimani yo kuli uka taha. Na zibile lika kaufela.

⁴⁴ Cwale lu siemba sa Mulimu. Ne mu li cwalo kamita. Ha mu hupuli zeo, kakuli no li fela muhupulo ku Mulimu. No li fela munahano wa Hae. Libizo la hao luli, haiba likile la ba mwa Buka ya Bupilo, ne li beilwe foo kusika ba kale mutomo wa lifasi. Na ziba so no li sona.

⁴⁵ Ni bulela se, isiñi ku zwakanisa tuto, kono ku i otolola hande, kuli lukone kuzwa kwa sabo ye ni boi. Ha u zibi yo uli yena. Ha muna kuba cwalo, kono cwale mu bana ba Mulimu. Mwabona, nemuli bana ba Mulimu ni kwa kale kamita. Mwabona?

⁴⁶ Kakuli Mulimu hana nani wena mwa munahano wa Hae kwa simuluho, una ni kuba, siemba sesiñwi sa hao, Bupilo bwa hao bobuli ku wena cwale, nebuna ni kuba ni Mulimu kwa mulaho kwani. Kihande, ha Na, mane kwa mulaho A si ka ba kale mwa mubili fa lifasi fa, kusikaba kale sika kaufela, kono Mulimu, nako yeñwi nemuli mwa mihipulo ya Hae. Na zibile libizo la hao mo li ka bela. Na ziba mubala wa milili yo no kaba ni yona. Na zibile lika ze ama wena kaufela. Nto inosi fela ye ezahalile ki foo, kakuba muezalibi...

⁴⁷ Buñata bwa mina mwakona—mwakona kuutwana ni na fa muhupulo woo. Ha no sa li mushimani yomunyinyani, kamba musizana yomunyinyani, no zamaya kwa ni kwa mi lika zeñwi fela, kone lisike za bilaela banana babañwi, ne kubonahala kuli

nekuna ni sesiñwi ku wena sene si lila. Nekuna ni Mulimu kokuñwi, mbo no li muezalibi. Mwa hupula cwalo? [Kopano ili, "Amen."—Mu.] Kiniti. Cwale neli sikamañi sani? Wani neli mufuta nyana wa Bupilo ku wena ka nako yani.

⁴⁸ Mi cwale kasamulaho nyana, wa utwa Evangeli. Mwendi noile kwa keleke, wa nopa *se* ni *sani*, ni wa zwa mwa kopano kukena mwa kopano. Kono zazi leliñwi, wena kakuba siemba sa Mulimu, nona ni kuba siemba sa Linzwi. Mi ha u to utwa Linzwi, wa ziba ko no zwelezi, wa ziba sene sili Niti. Noli cwalo kamita, peu neili ku wena kamita. Linzwi la bona Linzwi ku wena, kwani neli kwa simuluho ya mutomo wa lifasi, wa bona Linzwi mi wa taha ku Lona.

⁴⁹ Inge likande laka la mbande ya mwana, ka mo mbande ya mwana mo ne indondolezwi ki kuhu. Mi ka mbande kani neka sela ni likuhu, kona, mi nasikuku abiza, mi kona ne ka sa utwisisi mulilelo wa hae. Mi—mi tuzwinyani, lico za tona netuna ni mwa shihete, ne—ne ka sa utwisisi zani, mo ne tu ezeza zeo. Kono nekuna ni sesiñwi ku kona, sene si bonahala kushutana ku sene ili kuhu, kakuli kwa simuluho nekali mbande. Yeo ki niti. Zazi leliñwi maa kona ataha ku to ka bata bata, mi, ha ka to utwa muhuwo wa mbande yani, ne u shutana ni mulilelo wa kuhu.

⁵⁰ Mi kona mo kuinezi ku mulumeli kaufela ya pepilwe sincia. Mwakona ku utwa lituto za bulapeli kaufela ze mubata, ni buhata kaufela bwa batu; kono cwale Linzwi lani ha li monyehela mwateni, konakuli kuna ni sesiñwi se si ku sweli, utile ku Sona. "Mina bane mu shwile nako yeñwi mwa sibi (bupilo bwani) sina Ha mi file bupilo." Kuna ni kuba Bupilo mwateni kuli butiswe kwa kupila, pili. Mulimu, ka zibo ya Hae yapili, na zibile lika kaufela. Mi ne lu lukiselizwe kale kwa kuba bana babashimani ni basizana ba Mulimu. "Mina bane mu shwile mwa libi ni mwa milatu, ili mo ne luinzi mwa linako za kale, kono cwale U lu tisize kwa bupilo."

⁵¹ Mutualime ku Paulusi, fani Paulusi hanali muituti yomutuma wa za bulapeli. Kono nako ya taha pata ni pata ni Linzwi lani, Jesu, la mufa bupilo. Ataha kwa Bupilo ona fani kapili, kakuli na lukiselizwe kuba sani. Mi . . . Na li siemba sa Linzwi; mi cwale Linzwi ha libona Linzwi, neli sibupeho sa hae. Kulila lila kaufela kwa likuhu, mwa likeleke zaba orthodox, nelisina mata ku yena; na boni Linzwi. Nalili siemba sa hae. Na li mbande. Na si kuhu; nali fela mwa shihete ni zona. Kono na li mbande, ka ku kala.

⁵² Ne ni utwile likande leliswana, Na sepa ha li utwahali kashwau, ka za pato ya mwana yene pepezwi mwahala likuhu, nako yeñwi. Ne i si ka utwisia. Nyunywani yene bonahala kushutana ni kusehisa, kanto kasili, mi ne ka sa utwisisi maluli ni lika kaufela. Ne tu bapalela mwataswa shihete. Kono zazi leliñwi kuhu ya nasikuku yaisa tuzwinyani twa yona kwa mulaho wa shihete, mi ya nunkelela mezi. Kihande, ka ya kuliba

kwa mezi ani kapili luli mo ne ka kona kuzamaela. Kiñi? Ne ka si kaba fateni mwa lisa. Ne ka si kaba fateni kale mwa mezi. Kono neli pato, ka kukala. Taba fela yene kana ni kueza neli kuitemuha.

⁵³ Yeo kona nto yeswana ni mulumeli mwa inezi. Kuna ni nto yeñwi ku yena, kuli, ha katana Mulimu pata ni pata, utaha kwa buitemuhi bwa hae. Peu yani i ku yena, mi ifilwe bupilo. Mawi, yeo ki niti, mi wa fufa kuzwa mwa lika za lifasi. U ba ya shwile ku yena. Mawi, Na hapula, kaufela luna neluna ni bupilo bwaluna, kwa linako zakale, mwa lika za lifasi zani. Kono lu sa ba fela ni Sika sa niti, se ne si lufile mata, peu nyana yene tile kwa Bupilo, mi lika kaufela za lifasi ne libolile mwani. Ne lusina takazo ni hanyinyani ya zona.

⁵⁴ “Ya pepilwe ki Mulimu, ha ezi sibi. Mulapeli ha sa tapisizwe ha sana lizwalo la sibi, hasana takazo ya sibi.” Puzo ya sibi i kwalilwe. U ba siemba sa Mulimu, ku Kreste. Kreste na shwile ili ku ku liulula.

⁵⁵ Cwale munahane fela kaufela sene lukaba sona kambe ne si Mulimu. Kono Mulimu, mwa sishemo sa Hae sesituna, ka Mwa lu liululezi busihu boo! Ne lukaba kai busihu boo kambe ne si sishemo sa Mulimu fahalimwa luna?

⁵⁶ Nako yeñwi lifasi neli la sibi, mutu yani natisize bumaswe fa lifasi konji mane ha li nyemisa Mulimu kuli mane Ainyaza ka kubupa mutu. Toho kaufela ne i tezi fela litombo, mibili kaufela, mi Mulimu mane a inzaya kuli Na bupile mutu. Kacwalo ki Ha li, “Ni ka sinya mutu ye Ni bupile.” U ka ba sinya kakuli hana za nani konji fela kuba sishañata sa kubola.

⁵⁷ Mi sikwata sa batu kaufela sikabe si sinyizwe ka nako yani, kono Mulimu, ufumile mwa sishemo, haana kutuhelela ba ba lukile kushwela hamoho ni ba bamaswe. Mi Aikela ku yo eza nzila ye lukiselizwe bene ba bata kutaha, bene ba bata kueza ze lukile. Yena, aba lukiseza sishemo bona bene ba swanela sishemo, mi A lukisa areka. Ka manzwi amañwi, Abeya mafufa fa limbande za Hae, kono nelikona kufufa fahalimwa katulo, mi halisika wisezwa mwahala likuhu. Kono Yena—Yena alukisa nzila ya kusaba ka yona, mwa mazazi a Nuwe. Se kona sene si Mu konisize kueza cwalo, kuli asitise, kakuli Na luwile sishemo.

⁵⁸ Kono Amano lukiseza sicaba nzila mi sa i hana, cwale, libaka le ba ihanela kakuli hakuna sesili mwahala bona kuli ba i amuhele. Hakuna se si kona ku i amuhela. Boma ne ba bulelanga kuli, “Haukoni kuzwisa mali mwa nyanisi, kakuli hakuna mali mwa nyanisi.” Kona kuli haiba hakuna mufuta wa Bupilo mwateni kuli ba Bu amuhele, kona kuli ha Bukoni ku amuhelwa.

⁵⁹ Ki kabakaleo Bafarisi hane ba talimela hande fa sifateho sa Jesu, ni ku Mu biza kuli, “Baalezbubi,” kakuli nekusina sika ku

bona kuli ba Mu amuhele. “Kono kaufela ba Ni file Ndate,” A bulela, “ba ka taha ku Na.” Kuna—kuna ni nzila mo ba ka tahela.

⁶⁰ Wa kona kuambola kwa sicaba nako yeñwi mwa mikwakwa, kuambola ku bona ka za Mulena, ba ka kuseha inge ba ku talimezi fa sifateho. Kihande, lu swanelu kueza seo, nihakuli cwalo. Kono amuteeleze, “Hakuna ya taha ku Na konji Ndate Ha mu bizize.” Mulimu una ni ku biza. Ku lukela kuba Bupilo. “Mi kaufela bao A Ni file, baka taha ku Na.”

⁶¹ Na lukiselize bona bene ba bata ku puluswa. Na lukiselize bona bene ba bata kufoliswa. Mi cwale bakeñisa kuli Na ezize se, si Mu eza kuli aluwe sishemo, sina Mwabezi ya fumile sishemo. Ku lukela kuba kuli, haiba u hana Se, hakuna se si siyezi kwanda Katulo, kakuli sibi sina ni ku atulwa.

⁶² Faro, ha naile mwa—mwa liwate, sina mulikanyisi, ka kubona kuli na ka kena mwateni sina Mushe mwa na kenezi. Mushe ni mpi ya hae, ni Faro ni mpi ya hae, sibeli sa bona neba lukela kushwela mwa liwate, mo ne ku bonahalela. Kono Mulimu, yaluwile sishemo, alukisa nzila ya kusaba ka yona ya bana ba Maheberu, (kiñi?) kakuli neba latelela mwa sibaka sa musebezi wa bona, ne ba latelela mwa Linzwi.

⁶³ Cwale yeo kona nzila fela ya ku fumanela sishemo ka yona, ki kulatelela litaelo zeo Mulimu a lufile kuli lu latelele. Yeo kona nzila fela inosi Ya kona ku lubonisa a yona sishemo, ki ha lu latelela Sa bulezi kuli lueze.

⁶⁴ Sina kañi nyana ha ki kale hahulu, ni mukutazi yana bulezi kuli Ne ni luta Tuto ya baapositola mwa lizazi lee. Ni lumela kuli Ne ni bulezi ka yona busihu bulibuñwi kamba amabeli afitile, kamba nako yeñwi, ka mwa na bulelezi, “U lika kokenya mwateni, se mwa lusika loo, kubeya mwateni Tuto ya baapositola.” Ki hali, “Lusika lwa baapositola lufelile, ni baapositola.”

Mi Na mubuza, “Kihande, kana wa lumela Linzwi?”

Ki hali, “Eehe.”

⁶⁵ Se nili, “Sinulo 22:18 ibulela, kuli, ‘Yo kaufela ya ka zwisa Linzwi li liliñwi ku Le, kamba kuekeza linzwi ku Lona,’ isiní manzwi amabeli; Linzwi li liliñwi, azwise Linzwi li liliñwi kwateni.”

Ali, “Na lumela cwalo.”

⁶⁶ Se nili, “Kona kuli Na kona ku bulelela ko ne lufilwe lusika lwa baapositola, Mbuyoti yaba apositola ne i filwe kwa Keleke; cwale u ni bulelele koo Mulimu na li zwisize mwa Keleke, ka Linzwi. Hamukoni kueza cwalo; ha li yo.” Se nili, “Cwale hupula, kuli Pitrosi, ka Lizazi la Pentekota, neli yena—yena mukalisi wa lusika lwa baapositola. Mi a ba bulelela kaufela kuli, ‘Mubake, mi mu kolobezwe ka Libizo la Jesu Kreste kwa swalelo ya libi, mi mu ka amuhela mpo ya Moya o Kenile.

Kakuli sepiso i ezelizwe mina, ni bana ba mina, ni ku babali kwahule kaufela, mane ni babañata bao Mulena Mulimu wa luna uka biza.”

⁶⁷ Cwale haiba mubata kuteeleza kwa kulila kwa kuhu ya nasikuku ya mwa kopano yeñwi, ni kupila mwa lika za lifasi zani, kipeto kubonisa kuli kuna ni se si fosahalile. Kakuli, Leo kona Linzwi. “Kaufela ya lata, ha tahe.” Mi haiba una ni tato, u lukela kutaha. Kono haiba hauna tato, kipeto u mwa buino bo butomolisa pilu. Kono haiba una ni takazo ya kutaha, taha u latelele muzamai wa Mulimu!

⁶⁸ Mi Yena ha palelwi kutaleleza Sa sepisize. Ne nili mwanana nako yeñwi, kono cwale Ni hulile, Nali kuba ni Mubone ha palelwa Linzwi la Hae. Kakuli, Ukona kueza sika kaufela kwanda kupalelwa. Hakoni kupalelwa. Mulimu hakoni. Ha ku konahali kuli Mulimu apalelwe, mi asiyale ali Mulimu. Una ni kukona, kuli abe cwalo.

⁶⁹ Cwale mpi ya Faro yalika kulikanyisa, kakuli ne i si ka bizwa mi ne isina Bupilo. Kukena mwa . . . Sepiso ne i si ka fiwa ku Faro. Sepiso ne si si ka fiwa ku yena kukena mwa na ha ya sepiso.

⁷⁰ Mi mulikanyisi yani, alika kulatelela mulumeli wa niti ya bizwa cwalo, kwanda kueza fela lisheha ka lona. Bwani kona butata bobuli ni milao ya bulapeli kacenu, ki batu babañata babalika kulikanyisa Moya o Kenile, batu babañata hahulu balika kulikanyisa lusika lwa baapositola. Ki za balumeli, mi ki bona feela banosi. Mulimu u ezize nzila, u luwile sishemo, kuli bana ba Hae basike ba shwa. U ba lukiselize kale nzila.

⁷¹ Cwale, Faro ka kulika kuba latelela, atiba mwa mezi a swana ana pilisize Mushe ni sikuwata sa hae. Cwale, Mushe na si ka tiba, kakuli Mulimu na luwile hahulu mwa sishemo kubona baba latelela nzila ya Hae ye lukisizwe. Amen.

⁷² Mwabona se Ni talusa nji? Kuli, busihu boo, sicaba se si sa lumeli mwa foliso ya Bumulimu, sicaba se si sa lumeli mwa kolobezo ya Moya o Kenile, ba ka amuhela cwani sika kaufela? Mulimu u luwile sishemo kubaba ka Mu latelela; isiñi baba latelela tuto ya litapelo, kono ki kulatelela Mulimu.

⁷³ Mulimu ki Linzwi, mi A ezwa nama ni kuyaha ku luna, cwale, kuli Akone kutisa mikwa yeñwi ya Mulimu. Mubili, Jesu, neli mubili wa Mulimu, maikuto. Mushe a Mubona ha fita, mukokoto wa Hae; hakuna mutu yakile abona sifateho sa Hae. Kono cwale lwa Mu bona, lu Mu boni, ku Mu bona sina Sitabelo. Cwale, mwabona, Na li muhupulo wa Mulimu, ha i bonahala, ki Linzwi. Seo kona sa Na li sona.

⁷⁴ Mi cwale mulumeli kaufela ya taha ku Mulimu, uba muhupulo wa Mulimu wa Linzwi la Hae, u itusisa kwa kubonalisa Linzwi se si sepiselizwe lizazi lateni. Mwabona? Yeo

ki niti. Mulimu, ya luwile sishemo, ha si ka lusiya fateni kusina bupaki. U fumile luli mwa sishemo.

⁷⁵ Lu fumana cwale kuli Mulimu nana ni sishemo hahulu ku Mushe kwani kwa liwate lelishwile, mwani mwa Liwate Lelifubelu, nitaluse. Mi cwale Ha na bulezmo, mwa Exoda 19:4, Na ize, “Ne ni mi lwalezi fa mafufa a limbande, na mi tisa ku Na. Naba lwala fa mafufa a limbande, ni ku mitisa ku Na!” Nekuna ni baana babañwi mwahali a liwate lani kwani, hape, bene balika kulikanyisa. Kono ki sikamañi? “A ba lwala fa mafufa a limbande.”

⁷⁶ Cwale Mulimu kamita uswanisanga bapolofita ba Hae kwa limbande. Mi neli sikamañi sani? Mushe neli mulumiwa wa Hae. Mi ne ba latelela Mushe, mi ani neli ona mafufa a mbande fo ne ba pahami, kakuli na lwezi liñusa la Mulimu. Mi sicaba sa latelela cwalo. Ne ba latelela Mulimu hane ba nze ba latelela Mushe cwalo ni liñusa la Hae la kulamulela. Mi Bibele ibulezi kuli, “Yena, ne ba si ka shwa hamoho ni baba sa lumeli.” Kakuli, Mulimu na luwile sishemo ku bona, kakuli neba latelela litaelo za Hae. Mulimu ubata kuli lu latelele litaelo za Hae.

⁷⁷ Ne lu ka bulela zeswana ka Kora ni Datani ni sikhata sa bona se si sa lumeli sa batu, hane ba lika kulikanyisa cwalo. Balika kunyandisa sika mwa tukiso ya Mulimu. Ne ba sa lati tukiso ya mutu anosi. Neba sa tabeli zeo. Neba na ni kuba ni sesiñwi sa kueza. Kora ali, “Kiñi, kuna ni baana babañata ba bakenile kufita wena, Mushe. U eza inge kuli ki wena pakani likamba fela fa...kamba licwe la butokwa fa likamba, nitaluse.” Mi ali, “Na—Na...ha u lukeli kueza cwalo. Kakuli kuna ni baana babañata moo.”

⁷⁸ Mi Mushe na ziba kuli nalukela kulwala bana bani kusilela mwa naha ya sepiso, kakuli sepiso ne i filwe ku yena. Mi u na ni kubaisa kwa naha ya sepiso.

⁷⁹ Mi, kacenu, Moya o Kenile uteni mo kuto paka Linzwi la Mulimu, mi leo kona lifufa la mbande le luna ni kupahama ku lona; isiñi tuto yaipangezi mutu. Kono lu lukela kupahama fa mafufa a mbande, kuya kwa Naha ya sepiso.

⁸⁰ Mi fa ne ba kaba ni sikhata sa likuhu kwani, Kora a hupula, mwa ziba, kuli atah, a to likanyisa se, yona mbande ye. Mi basino eza cwalo, Mulimu ali, “Ikauhanye ku bona,” mi A miza mubu. Na ka mizeleza sibaka kaufela, pupo kaufela, kono Mulimu ya luwile sishemo ku baba lika kulatelela Linzwi la Hae. Kamita, Mulimu uluwile sishemo. Buñata bwa bona ba taha kwa neku la Mushe, mi Mulimu a kwalula lifasi mi la miza baba sa lumeli. Yena, ya—ya sa lumeli, ukana a shwa ka nako kaufela.

⁸¹ Babane ba sa lumeli, ni ha neba zwile ku to zamaya nako nyana, kono, bona, Jesu naize, “Ba cwalo, mañi ni mañi, bashwile.” Kushwa ki “kufelelela.” Ba shwile. Munahane fela ka bona. Ba zwa, ba bona limakazo za Mulimu, ba bona lizoho

lelituna la Mulimu, baikola manna; mi bazwa mwani ba teeleza muuna yabizwa Baalami, yana lyanganisize nzila ya Mulimu, ka lituto za hae ze kopami kwa Linzwi, "Kaufela luna lu mizwale, kona kuli ha lu taheňi fela hamoho."

⁸² Wo ki mulao usili hape wa Baalami otahile, kacenu, "Ha lutaheňi kaufela hamoho." Halina ku beleka. Halu zamayeňi hamoho ni Mbande, Jehova Mbande. Mina mu limbande za bana.

⁸³ Kuna ni fela babalalu baba pilisizwe mwa sikhata kaufela; Mushe, Kaleb, ni Joshua. Babaňwi ba bona ba shwela mwa lihalaupa; Jesu naize cwalo, ku Muhalalehi Joani kauhanyo ya 6. Mulimu, mwa sishemo, nasike ku batuhelela kushwa, kakuli, ni bene ba sa lumeli. Kaufela bona ba shwa mwani mwa lihalaupa, mi ba shwile. Mulimu a pilisa Mushe ni limbande za balumeli, kakuli nebana ni likute kwa Linzwi la Hae.

⁸⁴ Mi kacenu, mulikani, nzila inosi fela yekona kuba fela ni sishemo sa Mulimu; Mulimu uluwile sishemo, kacenu, kono luna ni ku kuteka Sa bulezzi ka lona. Ha ukoni kunga fela sa bulezzi mutu. U lukela kunga sa bulezzi Mulimu ka zona. Naize, "Linzwi la mutu kaufela libe lishano, mi la Ka libe niti."

⁸⁵ Kacenu lu bulelwa kuli, "Kaufela so na ni kueza," mwa libaka zeňata, "ki kuikopanya kwa keleke, kuba ni tuto ya tumelo, kamba nto yecwalo; kamba kupeta tapelo, kamba kubeya libizo la hao mwa buka, kamba kufafalezwu kamba kukolobezwa ka nzila yeňwi, kamba nto yeňwi yecwalo. Kona fela ze mu lukela kueza." Kono zeo li fosahalile.

⁸⁶ Kuba mbande ya Mulimu, u lukela kulatelela Linzwi, zazi ni zazi. U lukela kuzwelapili, kufepa fa Linzwi.

⁸⁷ Cwale lwa ba fumana, kasamulaho wa nako ye, batongoka hape, ba fokozi mwa tumelo, kasamulaho Mulimu amano ba bonisa sishemo. Mi lu fa fumana inge ba tongoka ka Mulimu, mi, bamano eza cwalo, ne ba bulaiwa ki kulumakiwa ki linoha. Kihande, neba lukela cwalo. Luli ne ba lukela. Mutu kaufela ya ka lyanganisa Linzwi la Mulimu ni kueza lika zene ba ezize zee, ne ab lukela kushwa. Ufi ni ufi wa bona na lakaza, ne ba lukela kushwela mwa lihalaupa.

⁸⁸ Kono ha ne ba kulile hahulu kuli mane ni yena dokota Mushe mane hakuna yana eza sika ka zona, mi ne ba shwa ka likitikiti; kono Mulimu, ya luwile sishemo, A lukisa nzila ya kusaba ka yona ku bene ba ka Mu lumela. Na lukisize mulyani wa zona, ka kutoma noha ya sipi. Mulimu mwa bufumu bwa Hae... Mulimu na lukisize nzila ya kusaba ka yona kuli bana ba Hae baba lumela ba foliswe.

⁸⁹ Mulimu utokomela hande lika kaufela ze fosahalile, lika kaufela zo kulubela. Muzamao kaufela wa bupilo, Mulimu wa ku tokomela. U mwana Hae, mi U fumile mwa sishemo. U bata ku kuezeza sika.

⁹⁰ Sicaba sa eza sibi kasamulaho, ka kunga nto yeswana kuli Mulimu na ba lukiselize swalelo, ka noha ya kopa, yene yemela sibi se si atuzwi kale, mi ba beya mpo yani mwa siyemo sa kalimu. Mi sani satisa sibi hape. “Mulimu haana kuikabel a kanya ya Hae ni mutu.” Kabakaleo, halukoni kuba ni bababeli, babalalu, balimu babane. Kuna ni fela Mulimu alimuñwi. Haana kuikabel a kanya ya Hae ni sika kaufela. Ki yena Mulimu, anosi, mwabona; sina bahedeni mo ba bezi ni balimu babañata. Luna ni Mulimu alimuñwi, mi Haana kuikabel a kanya ya Hae ni usili, kamba mane kuli A tuhelele milimu kuba fapila Hae. Niha Na kaba ni swalelo ya batu, mi iba Linzwi la Mulimu, neli nto yende; kono cwale ha ba kala kububeka milimu yani, bakena mwa butata.

⁹¹ Cwale yeo ki to yeswana fela, Ni sepa kuli, li ezahalile mwa masika a likeleke zaluna. Mulimu na lu lumezi liñusa la Martin Luther ni liñusa la hae, John Wesley, liñusa la pentekota, kono ki sikamañi sene luezize ka sona? Yona nto yeswana yene ba ezize ni noha ya kopa yani, lu lifetuzi milimu, “Ni wa siemba *se*, mi Ni wa siemba *sani*.” Mwa bona, u wa siemba sesiñwi sesi sina busepahali bo buswalani ni bulapeli bwa Linzwi ka bumulimu.

⁹² Ki sikamañi sesi ezahalile? Bibele, lu lutilwe mwa Bibele, kuli, “Mupolofita na ngile kalimu kani ni ku ka luba.” Haleluya!

⁹³ Se lu tokwa kubateni kacenu ki mupolofita yaka sinya milimu ya likopano, baba nahana kuli bay a kwa Lihalimu ka kufumaneha kwa tuto yeñwi ya tumelo kamba kopano; li lukela kusinyiwa ni kucisiwa, ku yumbelwa kwahule. Mulimu utezi sishemo. U luwile mwa sishemo. Mwa lizazi ha lu kaba mwa butata bobucwalo bwa lififi lani kwani, kono Mulimu, ya luwile sishemo, u lu lumezi Moya o Kenile wa niti, ka toloko ya Hae Luli ku Zona, ona mwa muyaho moo busihu ni busihu. Mulimu, ya luwile mwa sishemo sa Hae, ha ki bunde ni boo mo lu Mu fumanela! Eeni, sha.

⁹⁴ Cwale kaufela zene ba hupula kueza neli kuya fela kwa noha yee, kamba nto yenyinyani ya na ezize Mulimu kwani, ni Mushe ku ieza ni kuipaheka fa musumo, mi neba foliswa kusina busepahali. Ne ba yema fela ni ku italimela. Mi ba kala ku lieza milimu, mi Mulimu alumia mupolofita ya na ti lo li sinya.

⁹⁵ Cwale, kaufela bene ba hana kutalimela noha mwa lihalupa, ne ba shwa. Cwale Mulimu wa lukisanga nzila, kono haiba u hana ku italima, haiba uka ina mwa mukwakwa, haiba u swalelala kwa lituto za litumelo ni kuhana kutalimela hande fa Linzwi ni kubona kamba Li lukile kamba kutokwa; kaufela bene ba hana kutalimela, ne ba shwa. Mi Mulimu ki Mulimu ya sa cinci. Mi kaufela bene ba hana kutalimela, ne ba shwa. Kona mo kuinezi kacenu, ki nto yeswana.

⁹⁶ Mi sicaba sa eza sibi kasamulaho, mi sina mo ba ezelize cwalo kamita, ni kueza milimu ku—ku yona, kuieza kuba—kuba—

kuba . . . kunga, kulika kuamuhela foliso kufina busepahali, mi ki ba “siemba sa nto yeñwi,” ni mo luezeza kacenu. Mi cwale lwa bona hape, shutano ya zona, neli, kuli Mulimu . . .

⁹⁷ Neli kutwano yende ni sisupo sesinde sa nako yani. Nako yani, neli nto ye lukile. Kono ne i lukela fela kuba ya nako yani, ya musipili wani. Ki zona fela ze i ka beleka ka zona, musipili *wani*.

⁹⁸ Mi liñusa leo Martin Luther natisize, la kuluka, ne li swanela mwa lusika lwa Luther. Foo kona fo likona kufita fela.

⁹⁹ Kukeniswa neli kokunde mwa lusika lwa Wesley. Kona fela fo ne li fitile.

¹⁰⁰ Mi cwale lutaha mwa lusika lwa pentekota. Mi kuyolisa kwa limpo kinto yende luli, neli yende mwa lusika lwateni, kono luya lufitelela zeo cwale. Lu fitelezi zeo, ka niti fela sina mo kubezi lifasi. Lu swanela kufitelela nto ye, kakuli luezize nto yeswana ka yona ye ne ba ezize sapili, kueza kalimu ku yona. “Ni wa siemba se ka mukwa wateni, Ni wa siemba *sani* ka mukwa wa sona.”

¹⁰¹ Mulimu uka luma mutu ya ka to nata lika zeo ni ku li lubaluba mwa liemba, ni kupaka Linzwi la Hae, Linzwi leelitezi. Mulemuhe. Tumbo ibe ku Mulimu! Cwale lubona kuli yeo ki niti. Mulimu, ya luwile mwa sishemo sa Hae!

¹⁰² Mi mupolofita a sinya ze, za ba siya kusina sisupo kaufela sa foliso, sa kutwano, kakuli milimu yabona ne i sinyizwe. Kono Mulimu, ya luwile sishemo, aba ezeza usili. Mi ki sikamañi sa Na ezelize, zeo? Na shelauzi mezi kwa lisa kwa tempele, mi babañata ba taha mi ba foliswa, ka kukena mwa mezi aa. Jesu ataha kwa lisa leliswana le, mi abona muuna yana lobezi fani ka lilimo limo, inza libelezi kushelauka kwa mezi. Mwabona Mulimu, ya luwile sishemo! Ni ha be baipangela milimu, nihaike nge mupolofita na li sinyize, Mulimu a ba ezeza nzila yeñwi, kakuli Yena u luwile sishemo. U bata kuli ba foliswe, mi A lukisa nzila ya foliso ya bona.

¹⁰³ Cwale, mi sani sa zwelapili cwalo, lifasi latala sibi hahulu ni sibi hahulu, ka nako kaufela. Mi kwa nalule-lule lifasi laba hahulu la sibi kuli Mulimu mane a li sinya fela, Na bulezi mwa Malaki 4, “kusi cwalo Ni ka to nata lifasi ka sikuto.” Na ka li eza; ki puzo fela.

¹⁰⁴ Kono cwale Mulimu, ya luwile sishemo, A luma Mupulusi, Jesu Kreste. Aluma Jesu ku to ba Mupulusi ni mufolisi. Kakuli Na ize, “Sina Mushe ha na pahekile noha ya kopa mwa lihalaupa, ni yena Mwana mutu ki mwa lukela kupahekelwa cwalo,” ka mulelo o swana. Yena, kutwano, kona ze luna ni buipuleli ka zona, hakuna zeñwi kwanda kutwano. Sa na lekile Jesu ka Mali a Hae, zeo kona ze lu bulela ka zona. Mi Bibele iize, “Na titikezwi bumaswe bwa luna, Na holofalezi libi za luna, koto ye lu fumani kozo ka yona iwezi Yena fahalimu; mi halu folisizwe ki ka miupa

ya hae." Zeo kona zelukona ku bulela, kakuli yeo kona kutwano, ye lu yemela, ye tomezwi luna. Mulimu, ya luwile sishemo!

¹⁰⁵ Ye neilukela kuba kutwano ya Kuyakuile, kakuli Na tile Yena kasibili. Mulimu ataha Yena kasibili, mwa mufuta wa nama ya sibi, ku to eza ku—ku—ku kutwano ya Kuyakuile; mi anyanda mwa nama, mi a to fa kutwano; mi akutela mwa mufuta wa Moya o Kenile, ku to paka kutwano yani. Ko kusina noha ya kopa kamba hakuna nihaiba mezi a shelauka, kaufela zona ne li supa kwa Kutwano. Mulimu, ya luwile mwa sishemo sa Hae, ki yena ya ezize se.

¹⁰⁶ Cwale, kacenu, ka kuba kuli ki lizazi le lupila ku lona, lu tile mwahala masika a likeleke ze ni kutatulula lika kaufela kuzwa ku Zona. Baituti ba luna ba za bulapeli ba kacenu ba latehile kwa neku la Zona. Ba Li tolokela ka nzila isili, kuisa kwa lizazi leliñwi, lusika lusili fela, sika sesiñwi fela, kukuta kafoo, kwa nako ya kale kale. Mi foliso ya Bumulimu ne se i felile fela, nekuli tata kuli mutu a lumele cwalo. Ne ba li eza lisheha. Ha ki lilimo ze mashumi amabeli kwa mulaho, ne ba li talima ka lisheha. Bapentekota nese ba kalile kuzwa ku zona. Ne ba kalezi mwa mazazi a makalelo, kono bazwa ku zona.

¹⁰⁷ Mu talime mo ne ba ezelize. Cwale ba fetuhela mwa kopano ya lifasi, bamatela kueza lituto za litumelo, ni yeñwi cwalo. Kwanda kuli, mwa sibaka sa kuamuhela Liseli, sina Liseli hane litaha cwalo; ba ikongakonga ilibona ni kuikezeza lituto za litumelo, yeñwi ni yeñwi itahela, kuikeza iliyena kuba tuto ni kuinelela mwa tuto yani. Mi bafitela kwahule hahulu kuli mane Moya o Kenile wa palelwa kukena mwa keleke. Ne ba tiloba fela milimu isili inge noha ya kopa, yaba fela—fela milimu. Mutu kaufela ali, "Ni wa siemba *se*, mi Ni wa siemba *sani*." Ne li kalimu. Ha ki maswabisa ene luli ku ona, kwa mafelelezo.

¹⁰⁸ Kono Mulimu, ya luwile mwa sishemo sa Hae, u lu lumezi Moya o Kenile, ni kubonissa Linzwi la Hae busihu boo sina mwa Na sepiselize kuli kona Mwa ka ezeza. Mulimu na sepisize kuli Uka eza lika zona zee. Mutualime sa Na ezize!

¹⁰⁹ Mutualime sa Na bulezi, mo lukona kubonela mwa Na sepiselize mwa lusika lufi ni lufi kuli sakuli siezahale. Mi lu fumana kuli si ezahalile ona cwalo, kuli Na bulezi kuli Uka eza ona seo, kakuli Yena u luwile mwa sishemo sa Hae, kuli kamita abange ni sishemo sa kutaleleza Linzwi kaufela la Na sepisize. Una ni kueza cwalo, mi kamita, kuli abe Mulimu. Kamita Úezize seo, Linzwi la Hae kamita li talelezwa mwa mwaha wa Lona. Peu ya Hae Yana cezi mwa lifasi. Ki sikamañi sa Na ezize? Na i beile mo mwa Linzwi, mi yeo kona peu. Mi nako kaufela lusika hane lutaha, peu yani ne i nze i buzwa, mi kwataha kuongaonga. Mi Na li sepisize, mi liezahala cwalo.

¹¹⁰ Cwale ne lu sa kulubeli lika zee. Ne lu sa kulubeli limbuyoti zee ku Mulimu, kakuli lu latelezi lika za lifasi, lwa kena mwa

bufosi bwa Kaine. Kaine, ka kuyaha aletare ni keleke yende, ni kubeya lipalisa ku yona, mi ahupula kuli kona mone ilukela kubela ona cwalo, “Ne li sishañata sa ma apule kamba litolwana zeñwi, kamba li pomugranate, kamba sika kaufela seo nesili sona,” kuli ndatahe ni mahe ne ba cile mwa simu ya Edeni, kona ze ne ba lelekile mwa simu. Mi kacwalo a lifa ku Mulimu, mi Mulimu ali hana.

¹¹¹ “Kono Abele ka tumelo afa ku Mulimu sitabelo se si kateleha hahulu kufita sa Kaine.”

¹¹² Mi, kacenu, Bibebe ibulezi mwa Juda, kuli, “Ba ile ka nzila ya Kaine; ba shwela mwa litaba za lishano za Kora.” Mwabona, “baile mwa nzila ya Kaine,” bayaha tutala, kuyaha likeleke, likopano, ku lieza za lipalisa fela, zetuna, ma membala babañata kufita ba bona; baingela lika, sika kaufela se sitaha mwateni ni kutulaka-tulaka, ni kuswalana mwa mazoho, kamba kukolobezwa ka nzila yeñwi, kamba kubulela ka malimi, kamba kumata mata mwa sibaka, babeya libizo la bona mwa buka. Yeo ki niti. Mi kipeto ba sikuluhela kwa Niti ya luli ye kutazwa, ni ku I latula. Ku konahala cwani kuba cwalo? Mulemuhe maswabisa eneluli ku ona! Mulemuhe.

¹¹³ Mi Bibebe ibulezi kuli, “Mi ba zamaile ka nzila ya Baalami, ni kushwela mwa litaba za lishano za Kora.” Ba shwela mwa litaba za lishano! Litaba za lishano la Kora neli likamañi? Kiñi, u nahana kuli ki wena muuna fela ya kenile unosi? Kiñi, za Mulimu . . . Kaufela luna lu kenile. Keleke kamukana i lukile. Kaufela . . . Kaufela luna lutaha hamoho, kona ze luna ni kueza.” Ona fani kona fo ne ba shwezi, fani. Mi luli ne li lu swanelia. Lu swanelia kuba cwalo.

¹¹⁴ Kono Mulimu, ya luwile sishemo, u lu hohezi fande a butata bwani ni ku lu konisa kubona lisika fita kale faa. U luwile sishemo sa Hae, ni ku lu lumela ancafazo ya foliso ya Bumulimu, ni kutaha hape kwa Mata a Mulimu. Kuya ka litaba za kale, hakuna ancafazo yekile yaina myaha yemilalu. Ancafazo ye kwateni i inzi myaha ye lishumi ka yeketalizoho, ibile mililo yetueta, kupotoloha ni kupotoloha lifasi. Kiñi, kakuli ne lu swanelwa ki zona? Mulimu, ya luwile mwa sishemo sa Hae, isiñi kuli ne lu litokwa kamba kakuli za lu lukela, nitaluse. Mu nahane fela se si ezahalile!

¹¹⁵ Ni hupula alimuñwi wa likezeli za mina mo mwa Phoenix, zeo buñata bwa mina muziba, Musala. Hattie Waldrop, nana ni kansa ya kwa pilu. Mi nali mwa mukoloko wa litapelo kwanu fani Muzwale Moore ni Na haneluli kwanu nako yapili, mwendi fifitini, myaha ye eitini kwa mulaho. Mi nali bukaufi ni kushwa, bakeñisa kansa yakwa pilu, mi na swanelia kushwa kale kale koo. Kono Mulimu, ya luwile sishemo, alumia Mata a Hae ku yena. Mi A pilisa bupilo bwa hae, mi wa pila kacenu. Mulimu ya luwile sishemo!

¹¹⁶ Congressman Upshaw, muuna yomutuna. Ni sepa kuli nali mueteleli wa na ha, kamba nto yeñwi cwalo, neli wa—wa Baptist, Southern Baptist Convention, ka nako yeñwi, kamba neli mubakweli wa mueteleli wa na ha kamba nto yeñwi. Na ezize lika kaufela. Na li muuna yomunde. Na ezize kaufela za na ziba kueza. Na ile ku dokota kaufela. Hakuna yana konile ku mu ezeza sika. Na bitezwifafasi. Bakutazi ba mulapelela. Na bile ni tubana ya oli yene se selilwe kwa toho ya hae, ya tozo, ka bakutaz ba bashutana kai ni kai.

¹¹⁷ Busihu bobuñwi, Los Angeles, California, hane ni ya kwa katala, na talima fa libunda la lipula za mawili mwendi habeli, linako zetalu, ku zeinzi moo, neli fahalimu nifafasi mwahala kufita, kwamulaho ni kwapata. Mi kwani nekuna ni kambeta ni musizana yomunsu fateni, musizana yo Munsu wa mwanana, mi bo—bo bomahe neba muinzi bukaufi. Mi muzwale waka nasweli kutisa mukoloko wa litapelo kwapili.

¹¹⁸ Mi Ne ni sweli kutalima, kusina kuziba sene si ezahala. Mi Na bona dokota, ni magilasi kwa meto a sikapana sa kulu, ya pazula musizana yomunsu, fa mumizo, mi musizana na omelezi luñañali. Mi Na talima kwa ni kwa, Na nahana, “Mwana uinzi kai?” Ne ni sa muboni.

¹¹⁹ Kasamulaho nyana, kulo kwani, kusina sepo, musizana yomunde yomunyinyani mwendi wa myaha ye sebene kamba eiti ya ku pepwa, kuli aomelele luñañali cwalo mwa bupilo bwa hae. Mi nekuna ni bomahe fani inge ba kubami, ni kulapela. Mi se Nili, “Dokota yo u pazula musizana wa hao,” ni kumufa mulyani.

Ki hali, “Yeo ki niti, sha.”

¹²⁰ Mi ki ha lika kuisa mbututu kwa pata. Ba mu bulelela kuli asike aeza cwalo. Ba lika ku mu kuzisa. Ka yona nako yani ba mu kuzisa, Na hupula kuli, “Kihande, lu ka ba ni kolo ya ku mu lapelela.” Mwa mizuzu yelikani... Mwendi sicaba sesiliteni mo nebaliteni busihu bwani.

¹²¹ Mi Ne ni sweli kutalimela fande a sicaba, Na bona musizana nyana inge azamaya, ne ku bonahala inge—inge nzila yesisan, ni sipupe mwa mazoho a hae, inza potolosa sipupe sani. Hakuna taba kamba dokota na bulezi kuli na ka omelela luñañali bupilo bwa hae kaufela; Mulimu, ya luwile sishemo, aluma Moya o Kenile, ka pono, mi musizana nyana yani ananuha kuzwa fani, mi musizana ni bomahe ba swalana kwa mazoho ni kuzamaya mwahala lipula, inge balumba Mulimu.

¹²² Kwa mulaho kwani nekuinzi muuna muhulu, Congressman Upshaw, buñata bwa mina mwa ziba bupaki bwa hae. Neli muuna yomunde, na likilwe mwa bupilo bwa hae kaufela, myaha ye sikisite-sikisi inzali mwa sipula sa mawili, na kashiwanga fela mwa mumbeta; milamu ya kuzamaela mwa mazoho a hae, yana zamaela ku yona, na sa koni ku itamaela hande. Mi aina fani

ewalo, inza talimezi. Mi hañi-hañi fela, Na talimela fande mi na bona pono. Ki yo ataha, inza zamaya fahalimwa sicaba, inza inamisize toho, nakona kuzamaya fela hande sina mutu kaufela. Ne ni sa zibi kuli muuna yani neli mañi.

¹²³ Se nili, “Kuna ni muuna yomutuna yainzi fani. Na wile fa kocikala hanali fela mushimani yomunyinyani, awela fa mwambeso wa kocikala, mi aholofaza mukokoto. Ba punya masuba mwa mubu, kuli babuluken kunjanja, sicaba ha ne si zamaya, ka ku sa tunka mukokoto wa hae.” Se nili, “U kaba muuna yomutuna, mi ukana azwelapili kuhula. U inzi mwa sikwenda sesituna kwa ndu ya mueteleli kwa White House.”

¹²⁴ Mi kihona muuna yo ataha kuna, mi ali, “Yani ki Congressman Upshaw. Kana u kile wa mu utwa fateni?”

Se nili, “Ha ni si ka mu utwa kale.”

¹²⁵ Mi kacwalo aisa muhala wa omuñwi wa maikulofoni kwa mulaho mi ne basweli kuambola, kutambekisana manzwi.

¹²⁶ Mi Na kala kutilima kwa ni kwa, mi Na bona muuna muhulu Congressman inza taha, inza taha kuna, mwa pono, inza iketile fela mane ka bunde mwakona kubela. Mulimu, ya luwile sishemo, amuhoha kuzwa mwa sipula sa mawili sani, mi azamaya kusina milamu kufitela lizazi la kushwa. Mulimu ya luwile sishemo! Madokota ha ne ba palezwi, sayansi ha ne ipalezwi, lika kaufela ha ne li palezwi, Mulimu na luwile sishemo ku Congressman Upshaw.

¹²⁷ Ni sepa kuli na luli. Ka kuba mushimani yomunyinyani, Na hupula sina... Sicaba si ni bisa kacenu kuli, “muuna yatoile basali.” Libaka la teni, ki kuli Ni boni butanya hahulu mwahala basali hane Ni sa li mwanana. Ne ni ba toile. Mi Ha ni sa eza ewalo ewale, kakuli Ni ziba kuli bateñi babande hape. Kono Na hupula mo ne libezi ze maswe hahulu, ba butanya luli. Mi Na hupula kuli, “Mawi, Ha—Ha nina kuba ko kuinzi sicaba sani. Hanina tuto, kacwalo Hanina kuba ni yekana.”

¹²⁸ Mi mwanana fela yana inzi fani, nisina neba hembe, ni koti yaka inge i ñomezwi kwa mulala sina *cwana*, ni pini ya kuñomelisa matebela, mi nekucisa luli. Mi bo muluti sebali, “William, ha u fufulelwii mwa koti yotinile yeo?”

¹²⁹ Se nili, “Batili, ima, Ni ikutwa silami nyana.” Mi ba ni bulelela kuya kwa mulilo mi ba koteza likota fateni, mi Na bata kutuka kuteeleza kucisa kwateni. Mi Ne—Ne ni sina hembe mwa linako za maliha a silimo sani kaufela.

¹³⁰ Mi Na hupula kuli, “Haiba Ne ni ka ba fela ni kasheleñi, nako yeñwi Ne ni ka fumana kapene nyana, ni ka itekela tobolo ya seti-seti,” Ne ni ka zwela kwa Wiko kwanu ni kutopila kwanu inge ni zuma, mwa mazazi asiyezi a bupilo bwaka. Ne ni sa lati kueza sika ni sicaba sani. Fela ne ni ikinela kwahule, kakuli ne ba sa ni lati, mi—mi Ne ni ikinelanga fela kwahule ni bona.

¹³¹ Mi he nako kaufela Hane ni yanga kwani, ku yo ambola ni mutu kaufela, kubona balikani fa muwakwa, bone Ni ziba. Ne ni kali, “Lumela kafoo, John, Jim! U zuhile cwani?”

“Oh, lumela.”

¹³² Mwabona, neba sa lati kuambola ni na, neba sa lati kueza sina ni na, bakeñisa bondate ni babañwi bene ba kondola macwala. Mi Na—Na ne ni sa ezi sani. Ne si sika sene Ni ezize. Mi Ne ni kaba ka mufuta o cwalo.

¹³³ Kono cwale Na bulelela musala ka, ha ki kale hahulu nali, “Limota laka li matehilwe ka litobolo zende hahulu ku zekona kulekiwa.” Oh, mi Ni nahana ka zona liapalo za masila zani. Busihu boo Nina ni amabeli kamba masuti amalalu amande. Mi hakuna balikani? Ni na ni kuipata mwa lihalaua, kuli nibe kwahule ni sicaba. Ki butata mañi, kana ki bakeñisa butu bwaka, kana ki bakeñisa tuto yaka? Batili. Mulimu, ya luwile sishemo, na ni boni mwa buino bwani mi Ani pilisa.

¹³⁴ Ni hupula ha ni etelelwa ka mazoho, sina mutu wa sibofu. Ne ni sa boni. Lika kaufela kwapili aka neli fela pululu; Ne ni kaba sibofu bupilo bwaka kaufela. Kono Mulimu, ya luwile sishemo, ani kutiseza kubona kwaka. Ni na ni myaha ye fifite-faifi yakupepwa, mi ni sa bona fela hande. Mulimu, ya luwile sishemo, ki yona nto fela ye Ni kona kubulela.

¹³⁵ Nako yeñwi keleke neisina nzila ye lukisizwe ya folifo. Nebana ni iliñwi, kono ba i fitelela. Kono Mulimu, ya luwile mwa sishemo, u ba lumezi mpo ya foliso ya Bumulimu. Wani kona Moya o Kenile mwahala luna, onzo paka Linzwi ka lisupo inge li latelela. Mulimu ya luwile sishemo!

¹³⁶ Nina ni makepe amabeli kamba amalalu fa a litaba zee, kono Hanina kulika ku ngunyuta ku ona, kakuli Ni—Ni ziba hande kuli seli nako cwale ya kukalisa mukoloko wa litapelo. Kono Mulimu ya luwile mwa sishemo sa Hae!

¹³⁷ Buñata bwa mina mo busihu cwana, madokota ba mi palezwi. Kuna ni sicaba sesi inzi mwa lipula za mawili zeo, babasike ba nanuha ku zona mane. Ba inelezí ku zona. Babañwi ba bona, baomelezi mwa linzila zeshutana, bana (habana) ku nanuha ku zona, hakuna mukwa wa kuli bazwe ku zona. Kono Mulimu, ya luwile ki sishemo sa Hae, u lukisize kutwano. Musike mwa si hana. Amu si amuhele. Kuna ni baana kwande kwani babana ni butata bwa lipilu, kuna ni sicaba sa kansa, seo madokota hakuna sebakona kueza sika ka zona. Hauna tuso, kutokwa tuso, mwa lifasi lee.

¹³⁸ Kono Mulimu, ya luwile mwa sishemo sa Hae, u lu lumezi Moya o Kenile, mi uteni mo cwale ku to paka Linzwi, ka kubonisa kuli ki Yaswana maabani, kacenu, ni kuyakuile. Kikuli za lu swanelia nji? Kakuli Mulimu u luwile mwa sishemo sa Hae! Amen. Cwale yani ki Yena, yani ki yena Mutu, Ki Mulena Jesu. Ha ki ya shwile, kono U zuhile kwa bafu, mi Wa pila kuyakuile.

¹³⁹ Ki yaswana maabani, kacenu, ni kuyakuile, u sali ya fumile hahulu mwa sishemo sa Hae sina mwa Na bezi ku musali yana nani butata bwa mwuya. Mi akala kuzamaya mwahala sicaba. Nekusina sepo ku yena, madokota ne se ba ezize kaufela zebakona. Nana ni butata bwa mwuya. Na ya ashwa. Mi aswala mungundo wa sapalo sa Muluti. Mulimu, ya luwile mwa sishemo, asikuluha ni ku mu bulelela buino bwa hae. Mi a foliswa kwa butata bwa hae.

¹⁴⁰ Manyakasilupi wa mwanana, naile kwa siliba zazi leliñwi, ku yo ka mezi. Nasina sepo. Na sa lelekilwe mwahala balanjo babañwi, kuzwa mwahala sicaba, bupilo bwa hae nebusi bobunde. Mi ahupula kuli, "Ki tuso mañi ya kulika? Ni lelekilwe, hakuna ze siyezi kuna." Kono musali atalima, inza yemi kwa neku leliñwi, kamba inza inzi kwa neku la limota, mi nekuna ni Muuna yana inzi fani Yana mu bulelezi lika kaufela zakile aeza, Mulimi ya luwile mwa sishemo sa Hae.

¹⁴¹ Yena Mulimu yaswana yani, busihu boo, usana ni sifumu sesituna luli mwa sishemo sa Hae, mi wa swana fela sina mwa Na bezi mwa mazazi ani. Mulimu ya fumile. [Hakuna manzwi fa tepu—Mu.]

¹⁴² Ni sepa kuli luna ni makadi a litapelo akuma fa mianda yemibeli fa, kamba e lu bizize ki a mianda yemibeli. Lu ka a biza ni kutuhela sicaba kutaha cwalo. Lu ka ba lapelela.

¹⁴³ Kono lu si ka eza kale seo, kuli kuna ni babanca babañwi mo, babalukela kuzwa kwa kuakaleza kaufela. Kwa ha ki kuakaleza. Ki ponahazo ya sepiso ya Mulimu. Ku itingile ku se mutualimela. Hakuna mata ku mutu ufi kaufela. Hakuna mata ku mutu. Kono luna kakuba balumeli luna ni bundume; isiñi mata, kono bundume.

¹⁴⁴ Mutu yomuñwi na ni buzize, ha ki kale hahulu, naize, "Muzwale Branham, u lumela kuli una ni mata akueza seo?"

¹⁴⁵ Se nili, "Na hanina mata, ni hanyinyani, kono Nina ni bundume." Mulumeli ufi kaufela una ni ona. Haiba u hana, u kainelela foinzi foo. Kono hauba u li amuhela, lika eza ka butuna hahulu, kakuli Mulimu u luwile mwa sishemo sa Hae.

¹⁴⁶ Munge mupokola yomusisani ayeme fa mukwakwa, ni liapalo za hae zetuna tuna, yena ali yomusisani luli. Mane kuwani ya hae ikwahezi mazebe ahae mwatasii. Mi kipeto azwele kwande ko kutaha limota mwa mukwakwa, ka lubilo lolueza limaili ze fifite fa hola, mushini wa mota olikanana ni lipelesa zemianda yemilalu ku zona. Haana mata akukona kuyemisa neba njinga. Yeo ki niti. Kono a sa liza fela pindo yani ni kunanula lizoho lani cwalo, kipeto mutualimele fela mambuleki mo a ka lilela. Haana mata ni amakana, kono una ni bundume. Tolopo kaufela i mwa mulaho wa hae.

¹⁴⁷ Mi cwale muuna kamba musali, Hanina taba kamba ki butata mañi bo ali ku bona, muna ni bundume bwa Mumuli, ka

sepiso, kakuli Yena u luwile mi usepiseize kueza lika ka butuna. “Haiba mu bulela kwa lilundu leo kuli, ‘shimbuluka,’ mi mu sa kakanyi mwa pilu ya mina, kono mulumela kuli se mu bulezi si ka ezahala, mwakona kuba ni se mu bulezi.” Hamuna mata, kono muna ni bundume.

¹⁴⁸ Mwa hupula ha Na ni bulelezi kwanu, kuli, “U ka patululanga likunutu za lipilu.” Kakuli Uka...Mwa hupula cwalo, buñata bwa mina mwa Phoenix sicaba? Na sepiseize cwalo. Mutualime Za sepisanga, Wa liezanga.

¹⁴⁹ Cwale kuna ni babañwi ba mina mo babasina kadi ya tapelo, mi hakuna kukakanya. Ki ba bakai babakula mi hamuna makadi a tapelo, amu nanule mazoho a mina? Luli. Ku lukile. Haiba mubata kuziba, haki bundume...haki mata, kono ki bundume bwa Linzwi, “Lika ze Ni eza, mu ka lieza ni mina.”

¹⁵⁰ Jesu na sepiseize, mwa Luka 17:30, kuli bukaufi fela ni Kutaha kwa Hae, ku kaba nako ta Mushe...kamba Nuwe, “Hane ba sa ca ni kunwa, ni kufanisa bana mwa manyalo; mi ne ba sa zibi kufitela lizazi ha kena Nuwe mwa areka.” Na bulezi kuli ku kaba nako. Mi ki Ha bulela hape, “Sina mo ne kubezi mwa mazazi a Lota,” mi ali, “se si ka ezahala mwa lizazi leo Mwana mutu ha ka bonahala, mi Mwana mutu ha ka bonahala mwa mazazi a maungulo.”

¹⁵¹ Cwale mutualime seo Yena, ka mo Mwana mutu uka Ipatululela ku mutu wa Lingeloi le, yana li Mwana mutu. Kiniti. Abrahama a Mu biza kuli, “Elohim.” Nali yena Mwana mutu, aipatulula Iliyena fapila lifasi la Bamacaba. Kana Na ezize cwani zeo? Ku mulumeli. Ku mulikanyisi wa mulumeli, Aluma bakutazi bababeli ku yo ba kutaza. Kono ku mulumeli wa niti, Ayema ni mukokoto wa Hae ufulalezi kwa tende, mi ki Hali, “Abrahama.” Na li Abrame ka lizazi...mazazi nyana kwamulaho, wa fani. Kono cwale seli Abrahama. “Ukai musala hao, Sarah?”

¹⁵² Ali, “U inzi mwa tende, kwa mulaho wa Hao.”

¹⁵³ Ali, “Ni ka buluka sepiso ya Ka ku wena. Ni ka ku potela.”

¹⁵⁴ Oh, Abrahama nana ni myaha ye mwanda ya kupepwa, mi Sarah nana ni ye nainte; kono Mulimu, ya luwile mwa sishemo, abuluka sepiso ya Hae. Ne i tisize mbututu, kakuli Mulimu u sishemo, mi Utezi sishemo. U luwile mwa sishemo. U buluka sepiso ya Hae.

¹⁵⁵ Mulemuhe, ni mukokoto wa Hae utalimile kwa tende, Sarah a seha mi ali, “Lika ze likona kuba cwani? Ni supezi. Ni kona cwani kuba ni munyaka ni muunaka, sina musali ya sa zo nyalwa fela? Kiñi, una ni myaha ye mwanda ya kupepwa. Silikani sa lubasi lwa luna sifelile, myaha, yeñata ñata kafoo. Zeo likona kuezahala cwani?” Mi a seha ka zona.

¹⁵⁶ Mi Lingeloi ni...ili Mwana mutu ni mukokoto wa Hae usikuluhezi kwa—kwa tende, ali, “Kiñi Sarah a sehive, ni kubulela kuli, ‘Lika ze likona kuba cwani?’”

¹⁵⁷ Neli sikamañi sani? Jesu naize, ku Muhalalehi Luka 17:30, kuli, “Mwa mazazi aswana sina mo ne ainezi mazazi a Lota,” ki buino bo buswana, lifasi la Bamacaba li si ka cisiwa kale, Na ize, “Mwana mutu uka Ipatulula mwa lizazi leo.” Na file sepiso, kuli Malaki 4 i lusepisize sa na kaeza. Liñusa lika taha le li ka kutiseza sicaba kwa Liñusa la pentekota ya makalelo, mi ka limbuyoti zeswana zene banani ka lizazi la... Ki sikamañi seo? Ki mbande ya mafufa amabeli, bubeli bwa Testamente Yenca ni ya Kale, inge i kasha mafufa a yona hamoho, a Mulimu, kuli italeleze lisepiso za Bibebe ze bulezwi kuli lika talelezwa. Amen.

¹⁵⁸ Mulimu, ya luwile sishemo, nasike atuhelela sicaba sa Hae kukena mwa buino bwa kopano, “ufumile mwa libyana ni lika za lifasi,” Lusika lwa Keleke ya Laodesia, kono Na ka lukisa nzila ya kusaba ka yona. Mulumele zeo, sicaba. Mulimu ami fuyole. Amen. Mulimu ya luwile sishemo! Sishemo sa Mulimu, kona nto fela ye Ni lakaza. Isiñi kuluka kwa Hae, isiñi mulao wa Hae; kono sishemo sa Hae kona se Ni biza. Mulimu ani utwele makeke. Kaufela luna ni maikuto a cwalo.

¹⁵⁹ Ne ni sweli kutilima. Kuna ni musali wa mwanana yaliteni mo yainezi kwa mafelelezo a sipula. Kana una ni kadi ya tapelo kafoo, kalibe? Hauna yona. Ha lubone ni ku bonise Mulimu ya luwile sishemo. Ubile ya ikalelwa hahulu fa nako yefitile cwale, nji cwani? Ki bumaswe luli, mi meto a hao abile maswe hahulu. Nji ha ki cwalo? Yeo ki niti. Cwale ba ka cinca. Mulimu, ya luwile mwa sishemo sa Hae, ka ku kubuza haiba uka lumela se. Cwale hauna kadi ya tapelo, hakuna so nani; kono ha u itokwi. Mwabona, ki sishemo se si bonisizwe ku wena.

¹⁶⁰ Kuna ni mutangana nyana yainzi foo kwapata, yana ni... uinezi kwanu. U katazwa ki ze mu melile mwa mubili. Ki cwanoñu nyana fatezi kwanu, cwanoñu. Nji cwani, muñaka? Yeo ki niti. Ha u zibi kuli ki sikamañi. Wa sabiswa ka zona. Yeo ki niti. Ne li tisizwe ki kukubuha, nji cwani? Kikuli una ni kadi ya tapelo nji? Hauna kadi ya tapelo. Ha u tokwi ni yekana. Mulimu ya luwile sishemo!

¹⁶¹ Oh, muzwale, kezeli, lumela Mulimu! Usike wa Mu kakanya. Aku Mulumele! Yeo ki niti.

¹⁶² Fa kuinzi muuna, wa suti ye seta, ni magilasi kwa meto. Talima kwanu, muñaka. Kana wa lumela? Mulimu ki ya luwile mwa sishemo sa Hae. U inzi fo ni mutuba. Kana u lumela kuli Mulimu wakona kufolisa mutuba woo ni kukueza hande? Ya inezi kwa mafelelezo a sipula, unzo ni talima. Haiba u lumela kuli Mulimu wakona kufolisa mutuba oo, Mulimu uka eza seo ku wena haiba u amuhela. Kana wa lumela? Kikuli uka i amuhela?

Ku lukile. Wakona kuba ni yona haiba u i amuhela, abe ni makeke. Eeni, sha.

¹⁶³ Ki yo fa kalibe yainezi fa, u katazwa ki ku sa zamaya hande kwa mali mwa mubili wa hae. Kono haiba uka lumela, Mulimu uka mu utwa, haiba a li lumela. Ni lumela kuli uka i mbwinja, luli sina sika kaufela. Abe ni makeke, kona tapelo yaka. Hanisa bona musali yo hande... Musala. Riley, kana u lumela kuli Mulimu wakona kufolisa ku sa zamaya hande mali ao? Haiba u lumela, i amuhele! Amen. Lumela fela. Mulimu ki yomunde, nji Ha cwalo, Stella? Eehe. Yeo ki niti. Nali kuba ni bone musali yo mwa bupilo bwaka. Kono, Mulimu, mwa sisshemo sa Hae!

¹⁶⁴ Fa kuna ni musali yomuñwi, yainezi kwa mulaho kafoo, kwa mulaho koo, usweli wa ni talimela. Yena, hape, una ni butata bwa ku sa zamaya hande kwa mali, ni yena. Nasweli kunahana ka zona ona nako yeo. Nali kuba ni mubone musali yo mwa bupilo bwaka. Kakuba kuli musali yomuñwi nana ni zeswana, hana ni talima. Kana wa ni lumela kuba mupolofita wa Mulimu, kamba mutanga Hae? Ni wena hape una ni butata bwa pilu. Haiba yeo ki niti, nanula lizoho la hao. Hausana zona cwale. Mulimu, ya luwile sisshemo sa Hae, ubonisa zeo kuli Wa pila mo mwa muyaho busihu cwana. Mulimu ya luwile mwa sisshemo sa Hae! Amen.

¹⁶⁵ Kana kuna ni, ki ba bakai baezalibi ni babawile mwa tumelo baba ka yema, ni kubulela kuli, "Mulimu, ya luwile sisshemo sa Hae, ani utwele butuku"? Amu yeme. Ni ka mi lapelela, haiba mu ka lumela kuli U bata... mubata sisshemo cwale. Mulimu aku fuyaule. Mulimu ku fuyaule. Mulimu aku fuyaule, ni wena. Wena yawile, nanula mahutu a hao. Mulimu ya luwile mwa sisshemo sa Hae! Kana una—una...

¹⁶⁶ Luli hausika ba ya omelezi hahulu luñañali, mwa buino boo, mi hamuboni kuli ye kona sepiso ya hola. Luli hamusika tatezwa hahulu mwa kopano, ni lika zeñwi, kuli hamuboni kuli ye kona sepiso ya hola, Mulimu ufumile mwa sisshemo.

¹⁶⁷ Kamba ki wena mañi kaufela, ya yemi, Ni ka lapela fa muzuzu fela. Ni bata kuli uzamaya keleke yena ni Evangelisti yetezi mi—mi u—mi u kolobezwe mwa kolobezo ya Sikreste, Mulimu akufe Moya o Kenile.

¹⁶⁸ Kana kuna ni yomuñwi yaka yema, ni kubulela kuli, "Na, Ni bata kuhupulwa. Mulimu, mwa sisshemo sa Hao, ni hupule. Hani si ka pila mo Ni lukela kupilela. Mwend... "? Mulimu aku fuyole, kalibe. Hape Mulimuaku fuyole. Mulimuaku fuyole. Mulimuaku fuyole. Mulimuaku fuyole. Yeo ki niti. "Mulimu, ya luwile mwa sisshemo sa Hae, a ni utwele butuku." Mulimuaku fuyole, kezeli. Kana kuna...

¹⁶⁹ Ki ba bakai babali mo, babali, "Ni ka yema. Ni bata kuli Mulimu azibe kuli Ni bata sisshemo. Ha ni si ka pila hande. Ni pilile ka nzila ye ni ka nzila yani. Ni bile kafa ni kafa, kono Ni bata sisshemo sa Hae." Mulimuaku fuyole, muzwale. Yomuñwi

hape, ya kali, "Mulimu ya luwile mwa sishemo sa Hae!" Mulimu aku fuyole, kezeli. Mulimu aku fuyole, kezeli. Yeo ki niti. Mulimu ya luwile mwa sishemo sa Hae! Mulimu aku fuyole, ni wena. Mulimu aku fuyole kwa mulaho kafoo. Mulimu aku bona. Aku yeme fela.

¹⁷⁰ Uli, "Kana kuna ni bunde ni bobukana, Muzwale Branham?" Luli. Aku yeme mi ubone shutano mo i bezi.

¹⁷¹ Haiba luli wa seahala mwa pilu ya hao, Mulimu u luwile mwa sishemo. "Yena ha tabeli kuli ni yomukana ashwe, kono utabela kuli kaufela batahe kwa kubaka." Mulimu ya luwile sishemo sa Hae! O Mulimu, ulu utwele butuku.

¹⁷² Cwale ki ba bakai mo cwale, babana ni makadi a litapelo ao? Neli sikamañi sani? Ma A ni ma B, nji nesi yona? Ma A ni ma B. Batu kaufela baba na ni kadi ya tapelo ya ma A, muyemele neku le, ni kadi ya tapelo ya B muyemele kwa mulaho wa bona.

¹⁷³ Ha ni zibi haiba kuna ni bakutazi mo baba tabela ku akaleza ku lutusa. Haiba bateni, baba tabela kutaha kwa pata, Ni ka tabela kuba ni—ni tuso ya mina, kakuli lu ka tabela ku mi lapelela, ni kulapela—kulapela ni mina.

¹⁷⁴ Ye, Bibele ibulezi kuli, "Lisupo ze li ka ba latelela babalumela." Eeni, sha. "Ka Libizo la Ka ba ka leleka mioya, ba ka bulela ka malimi asili." Kikuli lu liezize zeo? Ka muhau wa Mulimu; isiñi ka luna, kono Mulimu ya luwile sishemo kuli abuluke Linzwi la Hae. Mulimu!

¹⁷⁵ Cwale, lipula za mawili, haiba mubata kulibeya hande kwa pata kwanu; lu ka ba lapelela ona fa cwana, halu lukeli kuba hohela mwahali cwalo, mwahala lipula zani kafoo. Mutuhele, ku kulukile, mutuhele ba tahe kwanu neku le. Lu ka ba lapelela, kaufela luna. Mulimu ya luwile mwa sishemo sa Hae!

¹⁷⁶ Mwakona ku yemela kwa lizoho la silyo cwale, ka mizuzu yelikani? Kana Muzwale Brown utile ni wena? [Muzwale uli, "Utaha kamuso."—Mu.] Utaha kamuso. Ne—Ne—Ne ni sepa kuli ukaba mo. Ukai, ukai Muzwale Outlaw, ukai Muzwale Fuller? Babañwi ba sicaba sani nebaliteni kwanu ni na ha Ni taha ka nako yapili, ha lu kuteni. Mwa hupula mikoloko ya litapelo za mufuta wa kale zee, hane lu yemanga kwani kufitela hane mu ni swalanga kwa neku leliñwi, mi yomuñwi kwa neku leliñwi, Ne ni fokolanga hahulu?

¹⁷⁷ Ki ba bakai baba bile mwa mikopano kwa linako za makalelo? Mutualime fa cwale. Mwa hupula linako za kale zani, Ne ni mibulelezi kuli Mulena Jesu na ni bulelezi kuli, haiba Ne ni ka seahala, kuli lika ze li ka ezahala. Kana ku cwalo? Ne lusina ze cwalo mwa lizazi lani. Kono ne ku ezahalile, kakuli Mulimu u luwile mwa sishemo sa Hae, mi u kuteka sepiyo ya Hae. Amen! Kulika kutuhela, mi ha Ni koni kutuhela. Amen! Kulumbwe Mulimu! Haleluya! "Oh, Ni tabile hahulu Ni alimuñwi wa bona!" Amen. Oh, mawi!

Kuna ni batu kwa libaka kaufela,
 Be lipilu za bona lituka mulilo
 Ka Mulilo o no wile la Pentekota,
 O no ba keninise mane se ba kenile;
 Oh, wa tuka cwale mwa pilu yaka,
 Oh, kanya kwa Libizo la Hae!
 Ni tabile hahulu kuli Ni kona kubulela kuli Ni
 alimuñwi wa bona.

¹⁷⁸ Oh, na, mwelwa, ya nyandile, mubotana wa sibofu, mo ne Ni bezi; mi cwale ka sishemo sa Hae, sishemo sa Hae sesiñata, Nabona Mubuso wa Mulimu fakaufi. Amen. Ha ki bunde mo ibezi Milao ya Hae!

¹⁷⁹ Yema ona foo, muzwale waka, fa mulamu wa hao. Haiba haukoni kuyema, ku lukile, yema ona foo, lu ka taha lu to ku lapelela.

¹⁸⁰ Mi cwale aluboneñi kuli bama A ni B, ba makadi a litapelo, ba yemele mwa mukoloko kwa neku leo, mi lu ka ba lapelela.

¹⁸¹ Mizwale ba bakutazi, mina luli, haiba mu lumela mwa kuswala mazoho fa litoho za bakuli, mutahe kwanu mi tuyeme ni na fa katala faa. Lu ka lapelela bakuli.

¹⁸² Cwale ku mina sicaba baba yemi mwa mukoloko woo, haiba mukona kulumela kuli Pata ya Mulimu iteni moo, kuli Moya o Kenile uteni mwahala luna cwale, unzo eza za Na bulezi kuli Uka eza. Haiba Nina ni mata a ku mi folisa, Ne ni ka eza cwalo. Haiba Nina ni nzila kaufela ya ku mifolisa ka yona, Ne ni ka eza. Hanina ze cwalo. Ni... Mulimu u ni file mpo yelikani.

¹⁸³ Na mane ha ni mukutazi yomutuna. Hanina tuto yetuna kuli ni swanele kubizwa mukutazi, se si bizwa mukutazi mwa mazazi aa, hane—hane ikaba za kuli kutwisiso ki kuya ka lituto za bulapeli, mi ilukela kuba ni digiri yeñwi ya dokota, ni zeñwi cwalo. Ha ni swaneli ku zeo. Kono Mulimu, yana boni pilu yaka, ni kuziba kuli Ni bata ku Mu ezeza sika, Ni bata kuitumela ka zona.

¹⁸⁴ Muuna yomuñwi naize ku na zazi leliñwi, ali, “Ni sepa kuli wena u muuna yomunde fela, Bo. Branham, kono Ni lumela kuli u latehile mwa kusepahala kwa hao. Kaufela mina muzwile mwa tato. Kana mwa ziba kuli muka yo atulwa kwa mafelelezo?”

¹⁸⁵ Mi se Nili, “Talima, Ni bata ku kubulelela nto yeñwi. Ni ka bulela kuli una—kuli una ni niti, kubulela fela bakeñisa ku sa ba ni likañi. Haiba Ni fosize, zeo Ni—Ni sa lumeli kuli Ni fosize; kono haiba Ni fosize, mi Ni ziba kuli Ne ni ka pila myaha ye mwaha, mi Ayo ni atula kwa mafelelezo a nzila, ni ku ni bulelela kuli, ‘Ha u swaneli kutaha mwa Lihalimu la Ka, William Branham. Zamaya kwa lififi la kwande.’ Wa ziba kana? Ne ni ka yo Mu sebeleza zazi ni zazi la bupilo bwaka kufitela Ni ya, nihakulicwalo. Kakuli Ni amuhezi hahulu zeñata za sishemo

sa Hae sesi fitisisa, kuli Yena mane ufta bupilo ku na. Ki lika kaufela ze Ni . . .”

¹⁸⁶ Kaufela ze Nili zona, kaufela ze Ni kona kusepa kuba zona, Ni li zusize kwa muhau wa Hae ni sishemo. Ne nili mwelwa, ya nyandile, mubotana, sibofu; kono ka sishemo sa Hae a ni folisa, mi Ni tiile cwale mane ni iiketile, ka sishemo sa Mulimu. Na bona hande. Na icela, na inwela, ni nani kaufela ze Ni bata. Na si ka sepisa kunifa ze ni bata; ki ze ni tokwa.

¹⁸⁷ Mi haiba Ni ka yo lelekiwa ka zazi lani, mi Ni ziba kuli . . . Hani boni ko Ni ka yo ba. Kono haiba Ni ziba kuli Ne ni fosize, mi Mulimu u ni ketile kuli ni be ya fosize, Ni ka tabela kupila ya fosahalile ona cwalo, mi kakuli Ni bata kueza toto ya Hae. Ki, Na Mu lata kufitela Ni bata kuli tato ya Hae i ezwe. Cwale, ki taba yetuna, kono Ni sepa kuli mu ka li utwisisa ka mukwa omuñwi, moyo o Ni libulezi kaona. Mwabona, Ni bata kueza tato ya Hae. Ha ni Mu kupa sika nako yeñwi, Ha nyunga toho ya Hae, “awa,” Ni ba ya tabile fela hahulu ka zona mo Ni kona kutabelela inge ha Na ka bulela kuli “eee.” Kakuli, kamita lu lukela ku kupanga kuli, “tato ya Hao i ezwe.” Awa ya hae iswana fela . . . haiba yeo kona tato ya Hae, iswana fela . . . Ki nto yende luli kufita eee ya Hae, haiba tato ya Hae ika peta lika. Foo kona luli fo ulukela ku Mu latela. Amen.

¹⁸⁸ Ni bulela za Hae, Hanikoni fela kutuhela. Oh, ki Ya sephala luli, wa sephala luli ku na! Balikani, Ki—Ki yena ye Ni nani kamukana, kaufela ze Ni kona kuba ni zona, kaufela ze Ni kulubela kuba zona, li ku Kreste Jesu, Linzwi la Hae.

¹⁸⁹ Ni itumezi busihu ka bupaki bwa Moya o Kenile, ka Liñusa. Ni ziba kuli kwakona kuba, babañwi bakona ku kanana ni Lona, kono sina ha Ni mi bulelezi, Nina ni tamehile kwa Liñusa. Sisupo ne siile, mi Mulimu ha lumangi sisupo ka kubonisa fela kuli Ki Mulimu. Liñusa, Linzwi kamita li latelelanga sisupo. Mañi ni mañi wa ziba cwalo.

¹⁹⁰ Jesu natile ni lisupo ni ze komokisa. Na li Muuna yomutuna ha Na eza lisupo ni ze komokisa, kono Ha kala kuinafafasi ni kukalisa kutisa Liñusa, “Na ni Ndate Lu nto Iliñwi,” oh, mawi, sani sa fosahala ku bona. Mwabona? Kono Linzwi ne lina ni kulatelela sisupo.

¹⁹¹ Mushe na filwe lisupo zepeli, mi sisupo sifi kaufela nesina ni linzwi. Yeo ki niti. Ne ni katalize ka yona kwanu nako yeñwi kwa mulaho, kokuñwi, kaza, *Linzwi la Sisupo*. Sina ni kuba ni—ni Linzwi la sisupo. Ki ku cinca. Kamita ku cwalo. Haiba ha ku cwalo, kona kuli ha si zweleli ku Mulimu.

¹⁹² Haiba muuna utaha ni bulumiwa bo bushutana, zeo li fumaneha mwa Bibebe kuba Niti, mi muuna yoo uinelela mwa tuto ya kopano ya kale yeo, mulibale zeo. Hakuna sesiñwi ku zona! Mulimu haezangi lika ze cwalo. Nto yeo, yeo ki manna ye bolile yena ni buutwa ku yona, kamba mabuku, kamba sika

kaufela mo mu bata kusibizeza, kuzwa fa fote, fifite myaha ye felile, ba sa lika kuca manna ya kale yene wile kwa lilimo za kwa mulaho kafoo. Mi bana ba Isilaele, mwa musipili wa bona, manna yenca neiwanga busihu ni busihu. Yeo ki niti, nemusike mwa ibuluka kufita habusa.

¹⁹³ Ha lu pili ka lusika loluñwi lo lu fitile kale. Lu ca Manna yenca, Manna yenca luli yezwelela kwa Lihalimu, mwa musipili wa luna hanze luya cwalo.

Ha lu inamiseni litoho za luna cwale.

¹⁹⁴ Mulena Mulimu, Wena u wa niti luli, Pata ya Hao. Ni sepa ka sishemo, Mulena. Lu—lu Ku boni fela haueza lika zeñata hahulu! Lu Ku utwile ha u bulela ka malimi, lu Kuboni ha u atoloka, ka sicaba sa Hao. O Mulimu, ku Kubona ha ufolisa bakuli, ku kwalula meto a libofu, ku konisa lihole kuzamaya bo shushu ku utwa, limumu kubulela, u Mulimu yomutuna mi yamata cwani Wena!

¹⁹⁵ Mi ni kubona kuli No sepisize lika ze mwa mazazi a maungulo. Ni ha luna ni malikanyiso amañata hahulu a butu, kono niteñi bupaki ki bwakuli kuna ni Mulimu wa niti, kokuñwi, yali wa niti luli. Mi Na lapela, Ndate wa Lihalimu, busihu boo, kuli lube baba lemuha Mulimu yoo mane lubone kuli Utensi moo.

¹⁹⁶ Mi sicaba se mwa mukoloko, ha si ka fita mwa mukoloko, Mulena...kakuli lu eza ze kakuli, ne lu ba sepisize. Mi Wena uinze, “Lisupo ze lika ba latelela baba lumela.”

¹⁹⁷ Ki ba fa mizwale ba bakutazi babayemi faa, baana bo Iketezi, ku sikaba kale mutomo wa lifasi, kuli babe mo bainezi busihu boo. No ziba, kusikaba kale lifasi, kuli lu ka to yema mo busihu boo, kakuli Wena u ya sa palelwi.

¹⁹⁸ Kacwalo lwa lapela, Ndate wa Lihalimu, busihu boo, kuli sicaba se si kula see, lihole, libofu, lianga, bakuli ba kansa, kaufela seo sikona kuba sona, babafita mwa mukoloko woo, ha ba lemuhe kuli yena Mulimu luli ya ziba likunutu za lipilu uka ba folisa, haiba ba ka li amuhela fela, ki kutalimela fela ni ku utwisisa.

¹⁹⁹ Mutu ya na talima fa noha ya sipi kakuba muprisita fela... . siemba fela sa sipi, na sa foli, kakuli nasina kutwisiso ya sene sili sona.

²⁰⁰ Mi kacenu, Mulena, kwa swana. Haiba ba talimela fa mpo, ku nahana kuli ikakona kubatusa, habana kutwisiso. Ki kuitinga fa ponahazo ya Kubateni kwa Mulimu yaliteni mo kuli afolise. Lumeleza cwalo, Ndate. Ha li ezwe, ka Libizo la Jesu. Amen.

²⁰¹ Ni bata mulizi wa piano wa mwanana, haiba kalibe yani akona, muuna kamba musali, kaufela yo ali yena, kuli aye alize pina yee, “Ñaka yetuna ifitile cwale, ki Jesu ya sishemo,” haiba kalibe uka liza, kaufela ko kuinzi mulizi wa piano. Cwale yeo ki... .

²⁰² Ni hupula iliñwi ya lisebelezo za masihu aka apili a foliso, Fort Wayne, Indiana. Musizana nyana wa mu Amish yana inzi, inza liza piano, “Ñaka yetuna ifitile cwale, ki Jesu ya sishemo.” Mbututu a tiswa ku na fa katala, neli sihole. Mi hane Ni lapelela mbututu yani cwalo, ato tula mwa mazoho aka ni kumata mata kwa katala. Bomahe ba welela. Bokuku a hae babasali ba yumba taulo ya bona, ni kukala kulila.

²⁰³ Mi musizana wa mu Amish yo cwale, kusina a sa zibi sika kaufela kaza Mapentekota, kakuli neli wa keleke yama Amish; kono nasweli kuliza. Milili ya hae yemitelele neinata fafasi; ayema mwa Moya ni kukala kuopelela mwa malimi asili, mi ni . . . mi ka munembo wa pina yani. Mi kipeto linoto za piano zalila kupahama ni kutuluka, inge aliza, “Ñaka yetuna cwale ifitile, ki Jesu ya sishemo.” Amen! Ki yaswana maabani, kacenu, ni kuyakuile.

²⁰⁴ Cwale ha lu lapeleni cwale halunze . . . Cwale mutu ni mutu kwande kafoo mulapele. Mina sicaba ba bataha mwa mukoloko, haluka mi beya mazoho, muhupule, Jesu naize, “Ha u lumela, u kaba hande.” Mwa lumela nji? Cwale kaufela luna ha lu opeleñi cwale.

Ñaka yomutuna cwale ufa kaufi,
Ki Jesu ya sishemo,
U bulela . . . (Halu itimeñi fela meto cwale
hanze luopela) . . . utabisa lipilu,
Oh, mu utwe linzwi la Jesu.

Pina ye munati hakalo mwahala munembo,
Libizo le li munati fa lulimi lwa nama,
Lelinde . . . (Mulimu Ndate, zamaya fahalimwa
sicaba cwale) . . . la opelwa,
O Jesu, u fuyozwi Jesu.

²⁰⁵ “Yomutuna . . .” Cwale hamusweli kuzamaya cwalo cwale, Utensi mo. Munge linzwi laka, kamba mulumele cwalo mina kasibili, Utensi mo. Mutu ni mutu abe mwa litapelo cwale ku mina sicaba.

²⁰⁶ [Muzwale Branham ni bakutazi ba lapelela bakuli mi Muzwale Borders uetelela kopano mwa pina. Hakuna manzwi fa tepu—Mu.]

O Mulena, Na lumela; O Mulena, Na lumela;
Kaufela za konahala, O Mulena, Na lumela.

²⁰⁷ Kaufela ba balumela, mu nanule mazoho sina *cwana*, muli, “Na lumela.” [Kopano ili, “Na lumela.”—Mu.]

²⁰⁸ Fa kuinzi muuna kulo faa. Libaka le Ni fitile foo; inge ni bulela, ushwa kwa kansa. Uinzi fa mulamu woo. Hakuna mukwa hape mwa lifasi kuli muuna yo apile, kwanda Mulimu. Una ni kansa mwa mala a hae kaufela, mi uka shwa haiba ha ki ka

sishemo sa Mulimu. Mi Ni lakaza kuli fela . . . [Hakuna manzwi fa tepu—Mu.] . . . linzwi la susuezo ku muuna yoo.

²⁰⁹ Wena, u ziba kuli madokota hakuna se ba kona ku kuezeza cwale. U fitelezi seo, mwabona. Mi una . . . Una ni fela kolo iliñwi, mi yeo ifumaneha ku Kreste, mwabona. Mi, muzwale, uka . . . Ni ka shwa zazi leliñwi, nina. Uka lukela kuya, haiba Jesu aliye. Ni lukela ku ku katanyeza kwani, ku yo yema kwani kwa Munanga wa Katulo. Mi busihu boo . . .

²¹⁰ Mwa ziba, sina mwa televishini, televishini ikopanga lika zeo ka nako kaufela ha lu nyanganyisa munwana, sika kaufela, sa kopiwa. Linzwi kaufela le lu bulela, la bulukiwa. Cwale, mwabona, televishini ipakile zeo. Cwale, televishini ha i ipangelangi maswaniso, izamaisanga fela manzwi a maswaniso ani kukena mwa televishini. Mwabona, ha i pangeli ona. Nekuna ni televishini Adama hana zamaya mwa lifasi, nekuna ni televishini fani—fani Mushe ha taha mwa Liwate Lelifubelu, nekuna ni televishini fani Elia hanali fa Lilundu la Karmele, mwabona, kono kona ba sa zo iziba fela cwale. Mwabona? Mi cwale kai ni kai Ni . . .

²¹¹ Muzamao kaufela o lueza, ni mulumo kaufela, u liza munembo o ka yo lu katanyeza kwa Katulo. Muzamao kaufela o lueza uka yo lu katanyeza kwani. Ni na ni ku yo i kalabela ka manzwi e Ni bulela ku mina, ka kuba mukutazi. Ni na ni kueza cwalo, kakuli Mulimu uka yo ni atulela ona.

²¹² Cwale haiba Ni kona, Ne ni ka ku folisa; kakuli una ni fela nako yelikani, kambesi Mulimu. Cwale, Ni tile ku to ku lapelela, kaufela ze Ni ziba mwa kuezeza. Muzwale, sika kaufela mwa lifasi, Ne ni ka ezeza muuna yainzi mwa buino bo bu cwalo, Ne ni ka si eza.

²¹³ Mi halubone ni ku buze, mwabona. Wena—wena—wena u folisizwe kale, kakuli Jesu na bulezi kuli u folile. Mwabona, “Ka miupa ya Hae ne lu folisizwe.” Cwale haiba u kona, kuzwa kwatasa pilu ya hao, uamuhele cwalo, hauna kushwa cwale, kono uka pila.

²¹⁴ Cwale, mwabona, cwale lu ziba kuli televishini isweli kufita mwa muzuzu woo. Lwa ziba cwalo. Ha lu i boni. Halukoni ku ibona, meto a luna ha si ka pangawa, maikuto a luna hakoni ku i bona. Si lwala muhala o pangilwe, kamba kaufela seo sili sona, sesi lukisizwe, kuli sinope zeo.

²¹⁵ Kona ni Mulimu mwa bezi teni. Ha lu Mu boni, kono luziba kuli U teni mo. Jesu Kreste wa swana. Amutalime, U ipulezi fela Iliyena, mo Aitibahaleza Iliyena. Cwale, kuya ka za foliso, haiba Na ka yema mo cwale, Na si ke a mi ezeza sika hape, mwabona, hakuna nto isili hape. Haiba Mwana Mulimu na ka yema fa, mane Uyemi, Utemo fa, kono Hakoni ku ku ezeza sika sisili hape, kakuli U i tibahalize hale Iliyena mo. Mwabona? Mi Utumi mo onafa cwana, ka kuswana fela, kuli ami folise ni kubisa hande.

²¹⁶ Mi kalibe nyana yani fani na ni bulelezi, ali, “U kupile mbuyoti, ni ku mu polofitela sika,” ka za hae, kuli abe ni mbututu, inza inzi mwa sipula sa mawili sani. Mi kalibe aba cwalo, aba ni mbututu.

²¹⁷ Mi cwale kalibe wa mwanana yani uteni moo. Cwale una ni kolu ye pazuzwi, mi i mu siyezi luñañali. Kihande, lwa bonanga fela lika zeñata ze cwalo ha liezahala. Cwale, kezeli, yomunyinyani, Ni ziba kuli u Mukreste wa luli. Libaka la ku tuhelezi Mulimu kuina foo, Ha ni zibi. Na lumela, mwendi, ki kuli una ni . . . Tumelo, u—u lika kuba ni tumelo, kuli unanuhe foo, mwabona; kono amutalime, lusike lwa lika fela kuba ni zona, halubeñi ni zona cwale, mwabona, fela luka—fela luka yobatemi kwani. Kona zeliteni fela ku zona, li ka kalisa cwale ona fa, mi lu ka ba hande. Ni mina sicaba kwande koo mwa lipula zeo, ki sikamañi, kamba—kamba kaufela ko mu inzi, muhupule fela kuli Kreste uteni.

²¹⁸ Cwale mu li, “Kana kuna ni mutu, kana mwabona siswaniso saka ha si taha.” Oh, ehe.

²¹⁹ Mane neba ona Manzwi a Jesu Kreste, Ana bulezi ha Na li fa lifasi faa, asweli kufita mwa muzuzu wo ona faa cwana. Lona halishwi. Ki ba bakai ba baziba kuli yeo ki niti ya sayansi? [Kopano ili, “Amen.”—Mu.] Kihande, ki sikamañi seo? Mi Moya u nanula Linzwi le liñozwi, ni ku Li bonahalisa. Oh, kanya!

²²⁰ U teni mo. U mwateri mo cwale, yena Mulena. Fela luna . . . Lu boni zeñata hahulu, U ezize zeñata hahulu, kufitela luba fela sina, mwa ziba, ka mufuta wa kusittatal ku zona. Haiba lukona ku lemuha, ha ki nto yeñwi fela ya litangu, libizo leliñwi la bulapeli fela; kono bupaki bwa Na sepisize kuli Uka iponahaza Iliyena mwa lizazi lee, fa Usweli ku li patulula fapila luna ona fa cwale. Ha kinto kwa bunde ni yeo! Kana ha ki yende nji? [Kopano ili, “Amen.”—Mu.]

²²¹ Cwale mu lumele. Kikuli mu ka lumela? Mulumele kuku hamuna kushwa. U ka pila, mi u ka kuteka Mulimu. U ka kuteka Mulimu. Kana ukile wa kolobezwa? U Mukreste, nji cwani? Mi ni wena u Mukreste. Kihande, ubata kupila ka likute la Mulimu. Kipeto zamaya u pile, muzwale waka. Ka Libizo la Jesu Kreste, upile!

²²² Mi, kezeli, ubata kuzamaya kwa kanya ya Mulimu, ni ku babalela mbututu wa hao; kipeto zamaya, kezeli, ka Libizo la Jesu Kreste!

²²³ Mina, mañi ni mañi wa mina, mueze ze swana, ka Libizo la Jesu Kreste! Musike mwa libala taba ye mina ba Westward Ho Hotel mo busihu cwana, Kubateni kwa Mulimu ku iponahalize kulo moo. Yena hakuteki mutu. Yena ubata fela kuli mu lumele. Kana mwa Mu lumela cwale? [Kopano ili, “Amen.”—Mu.] Amen. Mulimu ami fuyole.

²²⁴ Halu inamiseni litoho za luna cwale. Ha ni zibi yo ba ketile, kuli—kuli a lukulule. Muzwale Mushegian fa, taha kwanu, muzwale. Uka lu kulula ka tapelo. Mulimu aku fuyole.



MULIMU YA LUWILE SISHEMO LOZ65-0119

(The God Who Is Rich In Mercy)

Liñusa le ka Muzwale William Marrion Branham, neli katalizwe lwa pili mwa Sikuwa la Bubeli manzibwana, Sope 19, 1965, ku ba Full Gospel Business Men's Fellowship International fa Westward Ho Hotel mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org